

列
朝
詩
集

列朝詩集

丁集第十一

沈經歷鍊 一十二首

海樵山人陳鶴 五十

李從事奎 七首

周博士東田 二首

十岳山人王寅 一十二首

覽江秀才確 二首

張布衣名由 八首

破瓢道人吳孺子 四十七首

驚池生宋登春 六十八首

白雲先生陳昂 六十二首

玄陽山人王逢年 一十七首

王秀才伯稠 二十六首

朱秀才陽仲 九首

王舉人養端 四首

蔡廣文宗堯 四首

張指揮元凱 七十一首

李千戶元昭 七首

張參將如蘭 五首

張都督可人 五首

童書賈珮 三十四首

程伯陽 四首

孫友麓 三首

袁卜士景休 一首

唐瞽者汝詢 二首

顧公子斗英 三首

嵇公子元夫 二首

費公子元祿四首

林秀才世璧四首

林孝廉章二十二首

鄭布衣琰一十六首

何俠士璧七首

趙舉人珣四首

崔秀才子忠二首

郭布衣天中一首

沈經歷鍊

鍊字純甫會稽人嘉靖戊戌進士知溧陽在平清豐三縣入爲錦衣衛經歷庚戌歲虜薄城下廷議乞貢事群臣畏嚴氏莫敢發言純甫越階抗論當從趙司業貞吉議拒貢却虜明日上疏請得二萬騎護陵寢通餉道合勤王之旅擊其情歸俾隻輪不返疏報聞朝廷壯之明年正月抗疏劾相嵩父子請誅之以謝天下杖四十謫田保安州當是時虜數入塞邊臣擁兵坐視楊順督宣大虜大破應州堡塞侯其退割戰士及路人之馘以獻功純甫心傷之賦詩飛書指切其事邊人士奸從純甫游爭相與唾罵相嵩爲僞人三象林甫僧及嵩耦而射之而純甫在邊日夜從俠少年結死士思用間破虜虜入又散金募土人爲城守順捃拾其狀告變嵩父子捕曰蓮妖黨竄純甫名籍中坐以通虜嵩從中下其事僇純甫於邊逮其子

襄將殺之而高順相繼敗得釋隆慶初復原官贈光祿寺少卿純甫雄於
文下筆輒萬言作詩過萬言死戰諸將文及紀事諸詩尤憤懣用壯順既
殺純甫榜示邊塞有藏沈氏遺文片紙按捕抵罪諸生武崇文敘純甫遺
藁將火之忽中惡仆地恍忽見純甫戴冠縹衣手劍叱之墮而瘞之後因
事自後穴地出之以授其子今所傳鳴劍集兵書亦續諸編也純甫與陳
鳴楚徐文長爲意氣之交故余錄諸人之詩以純甫爲首

得應職方書以詩荅之

郎署飛符日題書問謫居自因鄉使到翻覺舊交疎塞月摩沙裏邊風鼓
角餘誰知遷客夢夜夜繞轡輿

寄馮敬叔

同作他鄉客嗟余更滯留關山明月夜邊塞白雲秋漢闕孤臣夢胡笳萬
里愁桑乾河水近知是憶并州

送張司寇有功北上

北風吹動寶刀初別江城念有餘知已不因長會面論心只欲屢題書
征帆未及春先到鄉夢須教歲併除君若逢人談姓字知余京國舊交疎

贈李將軍

當年海上揚塵日，獨有將軍劒戟馳。刁斗只令諸校集，羽書不使侍臣知。時將落葉供書草，自遣飛花入酒卮。動業定知長劒在，徒嗟李廣未逢時。

秋懷

風雨搖秋濕不開，紛林殘葉逐人來。寒雲作陣江關暝，粉堞遙傳鼓角哀。直北朱旗真下淚，淮陰水色未登臺。玉堂金閣雙龍管，亂落梅花正舉杯。

秋夜感懷

颯颯西風日夜吹，將軍出塞又空回。不知白骨堆沙岍，猶自紅妝送酒杯。請葛已無籌筆驛，李陵偏築望鄉臺。悲歌莫厭傷心曲，不是忠臣定不哀。

荅陳鳴楚社友

十年赤縣頻爲吏，一疏中朝便落官。勞寄音書知夢在，細籌世路念歸難。馬蹄最識邊沙苦，雁影猶驚塞月寒。詞客幸能憐旅況，玉門應爲賦生還。

送朱子南還

十年辛苦在京華，夢裏何時不見家。一到若耶溪畔月，始知楊柳隔天涯。

寄張有功二首

邊城楊柳路傍垂折取長條欲贈誰不若寄將明鏡去爲曾照我髮如絲
桑乾河曲水潞潞好送征人雙淚還帶葉隨風千里去又愁隔斷萬重山

聞角

誰將清角月中吹格調分明出塞回莫遣胡兒聞此曲翻嫌漢將不窮追

感懷

割生獻馘古來無解道功成萬骨枯白草黃沙風雨夜冤魂多少覓頭顱

海焦山人陳鶴

鶴字鳴楚一字九臯山陰人穎悟絕倫年十餘已知好古置音佚名帖窮
日夜通覽十七襲其祖軍功官得百戶鬱鬱負奇疾自學醫爲診藥二年
而病愈棄其所授官著山人服神宇奇秀對客論說凌跨恢弘足以滅當
世學士而其所作爲古詩文若騷賦詞曲草書圖畫能盡效諸名家聞出
已意工贍絕倫其所自娛戲礪至矣飲越曲綠章釋梵巫史祝呪櫟歌菱
唱伐木輓石薤詞儺逐侏儒伶侶萬舞偶劇投壺博戲酒政闢籌裨官小
說與一切四方語言樂師矇矓口誦而手奏者一遇典至靡不窮態極調
於是四方之人無不向慕軒蓋造訪臥未起或時就榻見之相與心醉氣

折內交而去如是者三十年客金陵四載卒于邸舍徐渭文長表其墓以爲山人氣雄邁跨諸貴游似東方朔才敏似劉穆之其爲璚屑藝劇忽整衣幘談理道辨世務又大類曹植見許淳事山人卒于嘉靖壬申又六年乙丑而文長表其墓蓋文長初謝諸生病易釘耳之歲也

麗人篇

雲爲蟬髮霞爲裳文軒繡戶逞新妝白蓮未作風中色丹桂先移月裏香洛川立處花橫水楚館歌時聲在梁傷心半倚同心婦留客雙飛並滯鴈楊柳垂絲空繫念蛺蝶聯群只斷腸欲把芳心託緘素錦書襟淚不成行

桃花美人行

鸞幃鴛閣戀無因珠鏡牙床久自塵相逢柳絮心還亂相見桃花意轉新聊作逍遙步獨立可憐春春日春花復可憐春心飄蕩詎能前自知顏色非春色自惜今年異昔年眉凋難學柳步弱不成蓮臂褪珊瑚鬢謝鳳凰鉤行隨雙蝶偏羞寡坐同孤月却憎圓羞寡憎圓兩意深桃花桃葉一般新似識花心非妾性不將折取寄離人

相逢行贈孔員外

白馬緝青絲
革鞭控錦羈
蹀躞黃金陌
照耀綠楊枝
來自鄆江道
還過越溪水
相逢碧荷畔
共入花間語

太倉除夕席上呈友人

頻年慙遠遊
歲晚獨牽愁
武事故鄉淚
偏當今夜流
柔風將報柳
殘燭更明樓
君醉且休別
同予送曉籌

泊京口望金山寺

南徐一片石
千古柱中流
繞樹開僧舍
緣空結梵樓
疎燈明水底
落月挂潮頭
向晚禪鐘起
風吹到客舟

夜坐見白髮寄別朱仲開張旼江

坐久北風起
江聲帶遠沙
客愁初到髮
鄉夢不離家
林靜無殘葉
燈寒有落花
懷君夜難寐
別緒轉如麻

過唐荆川太史隱居

惟君愛嘉遯
結屋向江村
遠月長隨棹
殘潮自到門
心無時事累
家有古風存
已得川中樂
都忘河上言

與沈使君風雨泊河橋
夜半使君先發
余沿路追尋不及
賦詩見

懷

相逢驛西路交深難別離市橋同水泊風雨獨何之江黑一帆沒夜寒孤
夢遲仙踪無處覓推枕益淒其

送朱東武北上

落日照湖水殘杯留別離常年分手處寒柳半無枝才老宦方達時清貧
正宜君當謝南畝休與白雲期

送袁節推奏績北上

斜日半帆明西江浪正平風雲雙闕路吳越兩鄉情樹綠沉山影天空落
鹿聲孤舟漁浦夜共語一燈清

題楊汝部客閣閣

閣傍江城外窗開雲水間祇因塵境遠自覺主人閒日落見歸鳥月明看
遠山移船候潮至相送野僧還

戚龍淵過山中

關路幾年別秋霜兩鬢多高談卑世態遠涉識風波藝絕惟名在身貧奈
壯何爲君沽斗酒聊復慰蹉跎

送周雨山還金陵

戚戚在歧路，咿咿歸鄴都。病多雙鬢換，天遠一身孤。晚飯到吳市，秋吟向野蕪。扁舟今夜月，難遣客愁無。

寄金子坤

思君不可見，漸覺成年過。世事猶如此，生涯近若何。天長紅樹沒，雨後亂山多。何日金陵道，相携一和歌。

送施虎泉北上

看君上馬負長戈，北去關山路幾何。世變文人輕武甚，時平國士向邊多。西河未可淹吳越，南海終須遣伏波。明主憐才此推轂，莫因霜鬢嘆蹉跎。

金子坤別

驛路孤亭合落暉，綠蕪風暖燕頻飛。城頭潮上酒初歇，江畔月明人獨歸。才滯莫疑天道遠，路貧方覺世情非。淒涼十二年來事，惟有臨歧淚染衣。

曹娥江寄京中諸友人

曹娥江上浪如花，數幅蒲帆過浦斜。烟際亂山明落日，樹中古廟帶殘霞。乾坤故舊勞魂夢，客路星霜換歲華。鳴雁滿天無信息，相思一夜遍天涯。

臥病雙溪山館見月寄張有功

溪邊桑柘映雙流
病裏蕭條賦四愁
坐雨幾宵方見月
別君一日已成秋
山深倦鶴猶依樹
風靜飛螢自上樓
託迹文園須共遣
莫因鄉國嘆羈留

武林答張文東見過

雨餘落日滿臨安
病況逢君得暫寬
抱玉已經三獻後
還家又值一春殘
時違自覺君恩遠
客久方知世路難
國事于今用長劔
鏡中綠髮未須看

宿莫水部官署答蔣南冷張隴江見過

北風吹雪滿征鞍
西度關門歲欲殘
越國雲山千里夢
官亭花竹幾迴看
天連海上明河沒
霜白城頭片月寒
深夜逢君論世事
酒酣重把劔珠彈

古意

千家砧杵亂城頭
新月微明江水流
牀外蛩鳴偏出夜
風前白蘆不宜秋
愁連天漢無鴻雁
夢到關山見戍樓
芳草不青蓮子落
征夫何事好長遊

春暮入蕪城過真州感賦呈蔣南冷諸公

兩月蕪城醉酒尊
逃炎復入海西村
去年芳草又重綠
舊日故交無半存
風景根添江郭柳
月華還認旅人門
逢君且誦別來句
時事到今難盡論

武林送章僉憲之廣西

憲節翩翩向法臺遐荒萬里瘴烟開聖王化久文身盡輿服人和自雉來
膏嶺日寒風似雪將河雨過水如苔斷腸極目他鄉外簪珮何年返上台

題贈陶氏觀湖村居

搖波修剝玉同清隔樹虛樓水共成桂楫蘭橈穿鏡出春歌暮管傍花行
月如彭蠡湖中挂雲似瀟湘浦上生但得長年怡杖屨那論此地勝蓬瀛
除夕前一日與駱行簡呂南夫張候中沈純甫蟾山晚宴有作

巖邊樹色隱丹扉日下仙輿度翠微水落盡如雷電過山迴俱作鳳凰飛
星臺似結仙人掌雲路疑通織女機幽賞不殊椒酒會合歡須並月驂歸
戚龍淵遊閩八載歸乃移家武林冒暑過越訪予山中因留半月
別去

八載遊閩今始歸形容半是語全非萍踪已有妻孥託旅食猶憐故舊疏
睡去衣裳孤月滿醉來圖曲亂雲飛與君山閣逃炎熱臨別還留壁上題
炎居苦俗因入蕭山養病張子成郊園

炎天病起厭逢迎借爾深山且避名偶對野翁忘出處暫隨農侶話陰晴

林猿乞果時穿木海月窺人夜過城賴有流泉能灌圃隔窓時見藥苗生
旅館病起奉寄近山白崖諸公

新橋客舍俯橫塘柳色千門路轉長却病且須辭酒伴習閒還欲借僧房
日高花氣蒸書案風過潮聲到石床巷陌春深芳草綠故人車馬在何方
楊二檀聞人北江二臬副過山中值余他出乃自移二石坐竹下
待之少頃余還鄒草陵亦至遂開樽相話日盡而別

海上初乘李郭舟東來又作北山遊自憐散跡隨雲出却喜閒身爲竹留
日轉菊籬花未吐江寒梧樹葉先流廿年歲月交遊在共對清樽半白頭
隱跡吳市荅謝諸友

往來吳市且藏名乞食空門學野僧曉泛獨先湖口日夜歸長傍酒家燈
時危有夢依山谷身病無書問友朋世路茫茫何處是關河西望涕重增
風雨夢金陵諸舊社

亂離漂泊滯天涯託跡空門不當家病裏音書非故舊夜深風雨夢京華
寒衾覓句行南陌並馬看春過狹斜醒睡蒲團寒漏斷半庭蕉葉雜江沙
吹笛因懷友人

玉笛橫吹入夜分中天華月度流雲若川兩岸春風起飛盡梅花不見君
池上聽陳老琵琶

夜漂池上弄琵琶萬里銀河月在沙莫向樽前彈出塞只今邊將未還家
送張伯純還關中

憐君獨倬渡黃河西北山川入雍多科得到家春未至馬蹄半在雪中過
送張舍人還永嘉

幾年相憶在京畿一遇吳門便拂衣君似舟前夜潮水纔臨江口又西歸
真州訪譚子羽

海上尋君路半迷画船如入武陵溪橋迴流出桃花水應有人家在樹西
宿沈漂陽沙棠舟中

風迴城闕夜聞笳水轉南橋萬柳斜忽見沙棠舟上月却令遊子怨離家
送王龍阜諫議北上

東去春潮到驛門半江風雨近黃昏白來知己難爲別不是慇懃戀酒樽
咏梅

黃沙萬里塞雲閒臘盡交河成未還但見梅花飛落盡不知羌笛滿關山

題謝汝湖家室美人奉次金太史韻

關花翻明月臨牖欲覓知音懶開妝撥盡相思不成調御激流水亂人腸

登金山

瓜州霜落雁初飛鐵甕城寒樹漸稀南國興亡在何處金山殘月夜潮歸
春日寄懷吳受齋史元登龔應皋三子

一住長安信漸稀離心付與雁同飛出門愁見垂楊樹長盡新條尚未歸

寄孫石雲

綠樹青霞盡不分水邊苔開淨迎暎知君正在山中住雨過長生石上雲

郊行漫興

山橋野店酒盈卮拄杖無錢欲典衣日暮楊花太無緒隨風却自渡江飛

雨中寄吳珠川使君

池上花香酒欲醒雨添草色上中庭與君未踏湖西路幾夜春山入夢青

送人還蜀

久遊江國草萋萋萬里家山落日迷幸有歸心似明月今宵先度蜀川西

宿潤州半月再入金陵留別姚麓居道紀

半月清居道士家，
碧桃千樹吐春霞。
今朝送別江邊市，
馬上停鞭看落花。
遊無相寺

玉輦曾經野寺中，
宸書猶在翠華空。
斷碑世遠無人識，
落日鶯啼古殿風。
送袁山人還廣陵

月出潮生江倒流，
別離無奈又逢秋。
吳江楓葉紅千樹，
一夜隨風滿客舟。
飲秋澗隱居夜歸值雪有作

獨行長路儼如僧，
水滴簷牙半是冰。
歸到空園人已盡，
雪花穿戶打殘燈。
寄杏臺郎

杏花臺上月華新，
見月長思花下人。
今夜莫孤花月意，
明朝風雨又殘春。
送秦子登入金陵

日暮逢君在路岐，
短簾臨水立斯須。
休言江上相思否，
今夜月明君自知。
題項秀溪半華山房

溪上道人幽思長，
堂開東郭引青陽。
日斜開戶看山色，
十里泉聲半在床。
題畫

飯牛歸去趁東風，
柳色山光綠映紅。
世事興亡在何處，
夕陽江畔笛聲中。

題荷寄施虎泉

三秋湖舫話離群
百里還家傍海雲
今日耶溪秋信至
抽殘荷葉未逢君
花間襟咏

流雲影亂欲疑空
楊柳絲柔不改風
謝入春林人不見
乳鶯啼出萬花中

李從事奎

奎字伯文錢塘人起家刀筆繇布政司吏再考從事錦衣雅善詩跌宕自
衰從齊人謝榛游傾動諸公卿陸太保炳掌錦衣不敢以從事史遇之引
爲上客而錦衣經歷沈鍊文章忠義士也兩人深相結納調護一時諫臣
論劾執政先後下詔獄者人皆歸功于炳而不知伯文與鍊陰爲之地也
鍊具疏將劾相尙父子舉酒屬伯文以後事伯文口雖不言已心許之已
而下獄鬻父子力購寘之死伯文傾身庇之得永戒田塞上世蕃嗣知之
歎中以奇禍乃脫身歸里中與方太守九叔沈山人仕結社湖山之閒年
八十餘卒葬西湖之上歸安茅坤伐石而表之曰詩人李珠山之墓

遊天竺寺有懷謝康樂

秋光澹崑崙入谷聞
杖鐘白雲散紫芝峰
桑關芙蓉林杳杳
白結夾道羅

長松沙廣草烟海溪深花露濃
梵嶺鬱飛鸞
潭降游龍開
紛互交語道
侶時相從
久矣悟空寂
齊心禮金容
精廬隱真色
蔬食修珍供
還憩崖亭
上
素懷高人蹤

西湖舟中

春半出門春可憐
黃鸝隔岸啼
春烟墟頭沽酒飲不醉
更向西湖呼酒船
葡萄荔枝酒色紅銀缸
金碗須臾空
但令一醉臥明月
莫使醒眼看春風
鳳凰山頭春草綠
金牛湖上花成簇
日落歌聲水面來
画欄笑倚人如玉

古柏行

廬山古柏幾千歲
根盤節錯羅星文
靈氣常懸白日雨
疎枝亂洒青天雲
霜柯露幹了不識
半是蒼苔半成石
石上猶存古鏡光
青萍未拭芙蓉色
我來八月秋氣淩
月明滿地蟠虬龍
赤脚大叫不忍去
長風吹落廬山鐘
天生異物詎可測
阿護常聞鬼神泣
岩壑寧教無此材
歲寒然後知松柏

陽春曲

三月江南春草芳
水邊柳絲百尺長
流鶯乍啀千金垠
紫燕雙棲文杏梁
紫曲裏調鸞
處處簾聲引鳳凰
鳳凰臺上花爭發
翡翠樓前鳥並翔

別有藍橋通蕙渚更憐斜狹接橫塘橫塘女兒多艷粧錦瑟瑤琴爲誰張
能歌白雪留人醉不管春陽斷客腸

湖上

錦帳開桃岸蘭橈繫柳津鳥歌如初酒花笑欲留人鐘磨千山夕樓臺十
里春回看香霧裏羅綺六橋新
與客游北山偶過普福寺尋葛洪丹井

古寺隨緣到雲霞晚自閒僧房開竹裏仙路入花間斜日明秋水薄烟凝
昇山偶探勾漏跡惆悵欲忘還

詠湖上新柳

依依弱柳不勝春身長垂條向水濱奈可輕盈愁少婦豈堪攀折贈離人
烟消鸞翠眠初起風折鴉黃舞乍新猶喜芳心未成絮肯將眉黛向人顰

周博士東田

東田松陽人由歲貢生分教江右以討賊功擢南京國子博士

入峽源菴中讀書

擾擾倦行邁復此秋氣闌寒流深峽路落木曉霜山乞火隣烟遠讀書孤

幽閒相求有幽鳥飛入短楹間

客夜

棄置仍爲客言歸久未能素枝霜樹月獨夜草蟲燈河漢秋來拆關山夢到曹明朝對青鏡應見鬢絲增

十岳山人王質

質字仲房歙縣人父賈淮北生仲房于淮小字淮孺少年倜儻自負具文武才以高才爲諸生祭酒輒棄去不顧北走大梁問詩于李獻吉不遇聞少林僧扁圓習兵杖最精則之少林授其術什得五六歸而盡破其產辭家遠游南歷海隅北走沙漠周游吳楚閩越名山求異人冀得不死之藥然卒無驗而家益貧海上用兵客胡尚書督府募客率諂事督府仲房微獄多所匡正督府不能盡用竟以敗仲房西入欽隣省賊起土人匿不以聞仲房馳告有司屬郡從事縣簿部民兵往賊且近按兵不行仲房入軍中讓曰公等不扼賊于險逗遛里中脫賊踰嶺長驅他日簿責公等其將何辭第勒兵鼓行賊且望風却矣我兵乃乘連嶺賊果引去潮兵追及之藏焉里人語曰生自負知兵字仲房果不愧子房也中年習禪事古峯禪

師峯曰吾徧游海內五岳者三今將徧歷海外五岳而後出世仲房聞而說之因自號十岳山人

箭月歌

誰剪海犀華一尺如月圓錦絲挂東壁時或生紫烟上画胡奴馳銀騎白韋經霜枯滿地貂襖回頭臂兩弓遠望雙飛阜鵬至此物懷當弱冠年高插盧子城東邊射罷周瑜塚頭坐常燒綠酒呼重泉抱書十度金陵走丈夫蹭蹬終不偶沒羽徒誇射虎人毛雖負却穿楊手座寧此物敝埃塵感慨從前一槍神道旁短褐成衰醜誰識飛揚跋扈人

關山月

落日收風色邊城望月華年年隨漢將夜夜到胡沙貂帳流光冷龍旂捲影斜此時正愁絕那忍更聞笳

送鄭信之遊大梁

南客辭鄉邑遙隨北雁歸春風寒似臘吹雪濕征衣暫別過淮水關山望宋幾銅駝舊游路花柳正芳菲

燕市酒壚曲

白髮頭多事狂游人上柳敢懷執轡者可有賣漿徒何處容頭缺常來獨
倚檻悲歌稀酒伴不是一錢無

宿嘉峯口城樓

萬里秋風算華夷到此分幾年望紫塞今日宿黃雲片月臨關見孤軍
折戟遺碑事已過酒醒似不成眠

高光州方承天童侍御劉秀才邀予泛舟西湖

湖而玻璃生素烟薰人煖日小春天芙蓉將近霜前淡夢館誰添亂後妍
荒草欲尋蘇小墓斜陽半載米家船傷心時事猶難料且拚新豐買酒錢

春社前三日送兄惟明之淮南

山村賽社濁醪醇分取餘觴勸醉頻弱柳初黃難繫馬嬌竹新晴似留人
去程姑浦逢寒食到日雷塘屬暮春故舊相知如有問長竿今已學垂綸
苔金在衡訊婦

秣陵宮樹葉初飛客路何人爲授衣我亦驚秋同海燕故鄉端在社前歸

舟過陸州謝鄉人余五郎送酒

新醪香艷石榴花贈得雙樽不用賒爲謝客愁消得盡殘年一路醉還家

過休陽訪查八十不遇二首

桃李山城未落花
懷君來訪聽琵琶
定隨年少青錢伴
何處妖姬賣酒家
年來匹馬走燕雲
聽盡琵琶盡釀君
白髮紫垣須自惜
稀教彈與世人聞

送李文仲遊燕

君嘗君休戀故鄉
北遊早控紫絲韁
如今燕趙雖非舊
終是英雄結客場

江秀才璣

璣字廷瑩歙人
王寅曰廷瑩早歲明經
本爲用世之具
抱病廢棄放情于詩
九邊有論過韞有書
猶未忘用世之志
若五君詠輯史諧音
辭意暢融可謂能上窺晉魏矣

詠史五首錄二

隴西李都尉
驍勇裨將材
提師浚稽山
一鼓單于摧
坊卒五千人
轉戰昏陰囊道窮
矢亦盡惜哉
勇弗裁捐軀
誠彌難大義
豈不乖得常
縱報漢二心
安可懷迢迢
五原關思婦
隔天涯遂使
鐵石心化爲
土與埃終然
沒胡沙竟爲
百世哀

憂情滑稽雄閑闊
能叫嘯一言紹侏儒
金門始待詔
腹肉雖不恭
九重朝

一笑倡優恣詼諧諷苑中機要廷議斬董君寶室不得召玩世依朝隱
詞亦微妙高詠衛簡篇斯人可同調

張布衣名由

名由初名凡字公路嘉定人通古今學好奇計家在安亭有田數百畝僮僕數十人一旦盡弃云爲貧人人皆笑之已而徭役繁數里中中人之家或嬰縲絏老死固圉而公路坐環堵中讀書談道足跡不至縣庭向之笑者皆嘆慕焉平居好論兵其于古人勝敗之數必求其所以然北歷燕趙齊魏之郊登眺山川形勢問昔人城郭營陣之處往往悲歌慷慨恨不馳驅其間萬曆甲辰年七十有九嘔血屬疾以其詩四百餘篇屬同里唐叔達序之公路同時有張應武茂仁丘集子成皆宿學老儒茂仁好談經濟以龐德公司馬德操自命而子成精于三禮古今郊廟朝祭之禮指掌畫圖若能以身出其間皆婦嬖庸之門人傳道其流風遺書者也二君詩皆無傳故附識于此

夏日田家四首

風過林花落雨餘溪水軍飛雲停不太低回戀幽軒夕陽下平楚遠樹見

漁村奄忽夏已徂憂懷紆且煩四体弗能勤興言媿鹿門吁嗟劉景升車
騎杜山樊

獨酌冷風前遂至于忘已而況人與世枯槐聚玄螳昔夢嬰塵紛宰制也
吾旨金枝綴翠旂魚服交象弭駿馬偏朱蹄緩車齊一軌既覺更何有太
息釋所履真幻定難分色空諒在此四相不能滅卮酒良可喜吾將逃麴
蘖衆妄亦云已

藟食茆茨下鳴雛尚蕭蕭寒衣涉遠道負耒正逍遙種莖不成頃陰暄不
終朝飄忽風雨至婦農趣危橋其雨復其雨苴苴稀草萋萋叢林戴勝降女
桑多長條

每恨獨不遇一無以自見終身談仁義垂老常貧賤翩翩思吾黨才美何
絢練既蒙國士知鞅掌隔異縣落月在屋梁冥雲緬吳甸慷慨不能忘令
人心目賄乃覺離懷殷反悟遇否美窮廬坐歎息素絲影短弁

秋興

爲漁江上太便與雲水親程空遠迢迢綠波渺無塵避絕人間世安知世
間人扣舷馴白鷗收綸採青蘋釣直溪茆晚興鳴榔杏春扁舟足微暇聊

復有此身

行至徐方行

扁舟遊脩阻行行至徐方岸
見衡山轉城孤背水藏河廣
日滔滔誰云一
華航拂鬱魚龍怒沮洳鹿豕場
冷風迢遞宇落日參差橋杏壇
既寥寥石
室亦茫茫漢唐事千古
雄長料全歸晚節
雲控以帶淮揚險巇惟一
線絡繹周八荒危亭尚崔巍
雙鶴無期翔此意不可得
吾詞慨以慷

空堂

秋蟲響空堂纖月下幽渚
鳥驚風外林花落庭中樹
影樓興遠懷城阿隔
秋雨耿耿良不寐脉脉以無語

秋晚

迢迢幽溪上寂寂野人居
冷冷風入樹嗷嗷雞鳴墟
白日三杯酒清秋一
草廬閒花階下笑謂我意何如

破瓢道人吳孺子

孺子字少君蘭谿人家故饒貲
中歲妻子死盡棄其產購古法書
名畫遊
江湖閒僻好山水遇一水一石有奇致
坐對累日不肯去性最巧所規制

必精絕搜抉珍怪陵斷絕經以必致爲快遊雁蕩絕巖取啖蘆葍四十
日不返踰天台石梁採萬歲藤屢犯虎豹製爲曲机可憑而寐以數縑市
一大瓢摩挲鑄錫暗室發光過荆溪盜發其篋怒而碎之抱而泣者累日
王元美作破瓢道人歌所至僦居僧寺自炊一銅竈飯不足則哺糜日買
兩錢菜又異幹葉爲齋英語人曰免我低眉向人覺飽逾梁肉耳遊虞山
善趙汝師孫齊之齊之有違言模被不別而去終身呼其名而不字也晚
爲梁谿孫少宰所重遂死其家少君家蘭谿城東有腴田頃許盡易硤瘦
墾溝引山泉繞入玉雪厨銅池以此破其家所居焚香埽地名僧韻士樂
爲談對客去閉門藉虎皮危坐移日人問之曰我尋味好客話言折除對
俗夫時耳好游不畏寒遇泉水清冷雖盛冬便解衣赴濯樹蘭百本花時
閉室以護香氣有索看者窗中捉鼻作兒女聲拒之長于鑒古尤識舊圖
器欵識胡孝甫藏唐人画金滕圖後有李陽冰篆書數百字何長卿不
能辨少君一見知之遇俗人輒云我不識一字口占詩使人代寫善画雞
鷺水鳥芙蓉蘆藻歲不過一二紙求之輒不可得篋中藏一劍自言得煉
劍秘法戒人勿令觸近干犯光怪酒半撫鉄如意欲盡碎天下負心人首

或聞人詢詳若爲不聞而去之自言少時多猛氣卒然加不勝忍輒以
指錐握中不忍忽然仆地用是二十年抹撥其不平其強力忍訥皆此類
也爲兒時父不用經史課習獨授杜詩一編長好孟襄陽韋蘇州讀離騷
老莊爾雅茶經諸書畧涉大旨自言曾得落葉識心酸一語三年不得上
石客奉州東甚朴吳成知致敗足成之生平所導謂道卷軸甚富御香京
口陳從訓僻意少人會好懷多自憐二語以爲真實其歿也錫山柳彥吉
誌其墓泐紙塵俗余嘗戲論此亦少君好潔少可之報也

范司馬東溟先生憐僕羈孤客旅邀僕觀白鵝鵝復飲之以美酒
僕金華賤人也懷恩感意報之以詩

夫子憐飄泊相邀過草堂尊浮桑落酒鳥出雪衣娘石色寒侵戶苔香細
入床醉來如意舞容得舊疎狂

早春郊外

坐入年華淺行將春色遲柳條辭白雪梅蕊讓青枝沽酒沙村在吟詩竹
杖移交頭無數過何處有新知

貽石公

石公菩薩性憐我在窮旅前者衝雨來援止此邊界只尺饒西隣兩家聞
細語日漸枕席清閉門自是楚豈敢稱高臥無才當獨處閒傍夕陰移瘦
骨臨江渚或就廬山隱
東萊爾汝

佛慧寺

亂竹閉僧院長松護法堂坐憐新月上行愛落花香破壁流燈影懸屋挂
夕陽支公閒懶處暫此禪空王

霽後作

雨前風更急霽後夕流昏雲擁蒼厓樹花明白水村飢寒誰比數老病我
猶存萬事俱寥落歸來但掩門

雪罪詩呈王使君

應在廣陵初移船問相識君騎白馬天上來手把銅章好顏色東風解
吹落花下馬邀予入酒家珊瑚寶玦不常事簪篸錦瑟又琵琶掀髯噴噴
愛我詩三年與我聞中却是時我尚有妻子到家不肯輕別離遂使君心
長荆棘老我至今有所失望君恕我如醉人白頭江上入骨貧殘杯冷炙
度朝夕東鄰西舍誰爲親感君常反反仰天徒歎息君當扣我脛不死是

爲賦

送張丹石遊維揚

張公別我去去到揚州若見陸無從新詩不用求
健居秋葉黃莫近城南樓樓高思故鄉終日多離憂
江北苦寒地必須得重裘重裘若不緩請君上酒樓
酒樓東水間有女似真愁十指玉削成好罇古管籥
三日醉不起改作張丹丘

訪天聖寺長老

興興天聖寺長老有餘工種藥寒雪外分泉香露中
看心孤月滿照影萬緣空我是陶元亮常來訪遠公

贈關中王解元罔

山中一相見知汝是秦人愛月鄉心減迷花客路新
雲霄豈盡意詩賦不無神異日還家去長安正早春

江上逢故人

江上高樓花欲然南隣酒伴西隣眠夕陽未下逢君好
還有一百青銅錢歲暮

越客好遊當歲暮
草堂習靜自情親
閉門覓句留殘臘
倚杖看山待早春
鳥雀入林知有我
煙霞爲伴若無身
何當別去西湖上
萬樹梅花刺眼新

郊行贈趙汝師先生

學士行春日陽和處處同
鶯啼不嶂外人醉百花中
彩服迎官舍丹書出

漢官相如辭賦裏

深有太平功

移居一作病起移居王元美小祇園

宿愁未許拋衾枕
抱病移居江上村
忙裏提攜知藥餌
閒來點檢失裘尊
南簷愛月先安榻
北牖嫌風卽閉軒
且是主人能好客
黃魚白飯早過門

贈僧月庵

孤雲不知處野雪見行踪
一飯飽時少隨緣
滄海東香牀通水月
清磬出花宮
欲結廬山社誰能問遠公

春日大醉再寄孫七政七政每罵我

旬日江村外香醪困死人
眼隨他是甚心與我何親罵
有官人口閒多處士身交交黃鳥
亂無賴十分春

將歸溪上留別李將軍兼呈何太史元朗

說說定推何太史相嘲無奈李將軍桃花細雨且歸去江上吹簫弄彩雲

江上

新月淡烟霏江花冷照衣無人山大吹隔竹掩荆扉

玉泓館送沈嘉則歸越得微字

江上背草出與君俱未靖相看遊客淚明日捲征衣細雨釣舟濕亂山樵路微異時能裸葬白首定相依余欲裸葬

飲錢大花樹下

平堤水漫小紅香醉後風來花滿牀無奈黃鸝仍勸酒數聲飛過竹邊牆

獨坐寄三弟

愁來何所作咄咄但書空梁燕親衰白林花與暫紅無家不占夢有弟恨飄蓬寂寞滄江上荊絲細雨中

病起別黃淳父

病起心魂冷行吟古殿驚江湖留客地歲月見君情厭聽邊鴻度愁看春草生孤舟今又別何處是歸程

殘燈

欲減寒猶耿頻挑焰不修祇綠苔已盡使覺在含羞映雪尤逾冷寒螢影
暫沈片時隨短燼蠹蝕且埋頭

題圖

玉雪凌寒萬竅空洞庭秋水醉芙蓉小舟不放尋詩夢撐入村南臥晚風
十二月二十七日作

三日半存何必戀一年去盡不知留春風只在虞山外孀孀將來笑白頭
秋雨將至新涼滿戶忽有故園桑梓之念因寄東竺文石禪師
好雨望卽至輕雷遠層城新涼滿庭戶洒然有餘情故園蘭溪上稻穗秋
已成弟姪共我長會能學耦耕如何江海間借此一浮名吾師住東竺早
晚寄鐘聲下堦春草長閉戶秋蠅鳴忻將解後緣遂令薄世營

胡生過上方寺言別

日暮憐君至相看髮欲絲佛燈忻上早僧飯喜遲遲同病悲前事連床問
後期可憐霜霰近疲馬向京師

望西山

西山像佛頭又如抹青黛常疑路不通遙遙削天外白鶴飛去杳不雙明

霞潑天紅映江春風幾點桃花雨欲渡前溪問小艤

覽鏡

十載成飄泊三年失所親今朝試覽鏡如見意中人

長春道院後樓

危樓迴木末千里暮雲開細雨長江去斜陽孤鳥來客髯愁中換鄉心病後催一聲何處笛故故向人哀

江上逢王九歸武林

江上逢王九孤舟日已斜紅妝惱春夜白髮醉誰家斷岸深無柳荒村半有花武林山水地歸路勿云賒

少年行

挾彈飛霜醉落花歌兒笑引入倡家歸來萬樹垂楊下一路騎行白鼻馬張長輿刻虞山遊稿命予附後語孫七政前序予遂不敢以詩答

長輿

曾在虞山下嘗爲孫楚輕此予當客面羨汝有才名若濕侵衣濕湖波接眼明新詩酬勝地近喜得張平

姚太史自錢塘移天目松一株舟中無事索賦

相公送客過錢塘移得蒼松數尺長枝帶故山寒雨色根分新壤茯苓香
舟中偃蓋幢幃勢眼底凌雲寂寂芳歸去葉書堂上坐種來無處不生涼

晚歸海虞

迎浪捨舟湖水闊入林跨馬棧橋通陰厓剩雪一分白古殿殘陽半壁紅

寄王舜華

夫子只高臥世人空自忙讀書一萬卷過目不能忘曲澗浮春水孤村集
栗芳此時猶未起紅日到山房

閒居

積雨暗空林濕雲飛不起日暮鳥鵲喧幽人不得語

晚歸

水國春無際陰霾晚始晴醉邀花共笑歸與月同行啓戶鄰姬問排舟稚
子迎人家欲燈火猶有隔杯鶯

醉歸

風燈雲拂手自扶飛花如意引歸途莫教水氣醒餘醉寧使兒童厭再沽

別周生

庭柯何事報秋聲江路迢迢幾日程我去你留俱寂寞月明他夜最關情

荅里中兒

僕本金華人少小親耒耜三十始讀書一命期強仕褊性病疎狂怪辭來
哆侈一年復一年世事難料理而垢臭無紋短髮披兩耳淩落在江湖飢
寒皮肉死寄謝里中兒無勞問歷歷閒來澤畔行顧影還自喜夜深題題
啼遙拜來相倚跼蹐電樹雨幢促我不能止駕之駭白螭群從來何愧下視
塵寰中茫茫若蜉蝣

投項子京

湖上梅花出短牆一開半落湖水香春陽澹澹杏花細桃花李花亦不忙
君家有酒藏牀頭可憐花月未肯游願君醉我若亦醉花前慎勿喚莫愁
房櫳窈窕嬌欲留懊恨歸來纖月流不知此景誰能酬空將好句爲君投

泰州詩

小時不識數兩手道十五醉來學騎馬墮馬亦不苦日暮狂歌草澤中月
出東牆那怕虎一年兩年復兩年短髮蕭蕭鬢可數千里飢寒傍泰州日

出日没坐一樓風簾不動杏花雨冒雨衝花間客舟泊平沙天喜晴誰
家樓上踏歌聲探囊沽酒不盡醉醉死溪山鬼亦清

獨立

獨立沙邊路因傷旅客單巖風知絮敗落葉識心酸肝膽猶年少頭顱莫
歲殘東家有寶劍欲奪醉中看

曉發

巖城角初斷稍稍曉鴉啼風急偏催馬天寒不應雞隨山欲渡海失路却
尋溪鄉國遙千里三年斗柄西

寄王元美

日暮歸鴉遍鄉心可奈何病隨新月長愁比落花多細雨乳堦草微風起
夕波西隣有嚴武不必淚懸河

宿學公房

僧坐閉秋草無事應朝眠改座逢客收書誤觸絃情高雲上鳥心定夜
初禪不盡江花意還將處處船

倚杖

貧病吾將老江湖度歲華艱難惟有淚飄泊更無家倚杖慚歸鳥臨池惜落花秋風何太早瑟瑟向兼葭

鷺池生宋登春

嘉定徐學謨鷺池生傳曰登春字應元趙郡新河人壯歲髮白自號海翁晚居江陵天鵝池更號鵝池生家累高貲少失父母以無訾省家益貧性嗜酒慕俠能挽強馳騎時發憤讀古人書爲小詩画師吳偉皆不肯竟學里中呼爲狂生年三十一歲間妻子女五人皆死遂棄家室囊書遠遊留博陵故人所二年去之京師布衣謝榛詩籍甚公卿間生得而唾之曰此以聲律儲丐者也何詩之爲去游齊魯還居長白山廢寺出所携漢魏及三唐詩問關揣摩三年而大就又去而浮淮渡江涉吳會已復走徐青出居蘇州太行而西窮關陝澤潞諸遊塞敝衣直履慨無儲粟所至逆旅人賦賤之間爲小面長句傾動市賈賈人以脫粟鮮衣爲贈輒推以予逆旅人大笑而去已由棧道入西川游峨眉邇坐巴下荆鄂迂雲夢而北走大梁鈞州党中丞見所題酒肆詩留之數月復自宛涉襄過京山所踰驢馱于唐氏之淖唐氏見其曝囊中書異之留之卒歲爲刻其詩傳荆郢間生數

年前嘗至江陵故遼王奇其詩召謁便殿一夕過去至是復來感昔賢流
寓之跡買田鵝池家焉歲穫菽十斛雜米而炊晝夜哦詩不絕口吳人
徐學謨爲荊州守自往物色之至再始見明日戴紫綬冠衣皂繒衫報謁
踞上坐隸人皆竊罵之守爲授室城中約移居日往訪屬有參謁日肝往
生健靡臥不內守守令人穴垣入生方科跪席一蓀僵臥壁下守強起之
索酒盡歡而罷守維景藩之難赴逮江夏生送至岳陽而返後數年守坐
廢家居生爲道士裝持一鉢裹敗衲行乞三千里訪守海上居三月別歸
後二年遼王廢爲庶人生久在庶人所絕不與用事者比庶人每召遊別
宮聲妓滿前端坐竟日夜卽大醉目不流睨以故庶人客無一脫者獨不
及生自庶人廢生怏怏不樂去江陵浪遊七澤間石首豪張氏浮慕生與
結詩社生面毀其詩張氏伺生醉伏奴狙擊之賄縣令械而出諸境他少
年憐生者破其械而佚之乃自童髮爲頭陀徒跣乞食守起家巡襄上武
嘗遇之三天門與一月糧別去不知其所之濮陽李先芳清平閣唱和序
引曰歲癸酉鵝池山人至自荊州能詩面性嗜酒作狂高貴之族非造門
不見嘗著僧帽噉犬肉讀楞伽經今隱嶧山間寄山中之作臨邑邢侗吊

宋叟詩序曰叟自江陵歸時時從濮上李少卿游後二十年徐公以大宗伯致政叟從新河過余舉杯慷慨言將訪徐公吳中尋錢塘弄江濤晚江干乘潮解去子愿君視宋登春豈杉柏四周中人余時被酒笑罵唉老虜燕趙士自昔死魚腸龍雀不聞死潮時甲申寒食日也居數年新安余生從江南來道叟請徐公公禮敬有加時時風主人家僮慢我主人榜家僮謝過叟危謂杖從青衣上拂奈何惜一便了不以謝王子淵乎一旦懊惱辭去徐公爲買艇子庀酒脯餞別城外叟強一舉白趺呼榜人勿悞我潮道掉頭別去亂流抵海口四十餘里不知晷曉徑眺白波逝矣余爲詩吊之復叙次其事徐宗伯歸有園集云唐叔達自白下傳邢子愿吊宋山人詩叙山人死甚怪云得之新安余生往歲余生嘗至吾家問山人踪跡故子愿得聞輒奴此行事頗實至謂去吾家四十里眺白波而逝此中何無一人言之也是時山人病脾劇泄穢狼籍蒼頭俱走避獨壽奴與同寢處咎罵撞擊幾無餘晷風主人鞭之而不見血則又自裸而鞭之時時情然大叫主人殺我何不置一舟送我東海上令我速死主人方憂不知所出會其甥趙懌自新河來因以山人託懌俾還新河飲之酒而津遣之贈之

詩曰蹈海難成魯仲連西歸仍是再生天山人贈詩搖首曰好不好不好遂
不左右顧去而登舟計今已三年絕無音耗山人死生未可知也卽死決
不在吾家四十里內如其果然其中必有所恨則吾負山人多矣當覓往
時舟子訪得其真以報子愿姑識其梗槩如此嘉定縣流寓志云徐學謨
再起爲宗伯登春來京師勸以早退且曰公第歸吾終就公蹈東海死學
謨旣謝事登春果來居二年呼舟子欲踐前約學謨與其子弟固挽之終不
聽乃爲詩送之登春徑去躍入錢塘以死子愿記山人之死以爲死于吳
淞而宗伯力辨其不然嘉定志出唐叔達之手叔達於宗伯爲親串其言
足徵則謂山人死錢塘者信也宗伯記事在萬曆己丑六月而志作于庚
子又十二年豈宗伯所謂覓往時舟子訪得其真者已信而有徵而叔達
据實書之乎山人死事流聞互異余故詳列之山人詩名鵬池集文名燕
石集宗伯嘗刻之鄧中齊州盧世淮德水過信都訪遺稿于族人家始盡
傳于世德水曰海翁傲睨一世每慨今人無詩有難之者謂翁但工五言
寂寥短章如才力易訕何翁曰吾幸以才力訕故得以沈思苦吟審于性
情之正以求歸于溫厚和平彼才力橫爲揮霍弄瓦者方傷于所恃能無

窮大而失其居乎善詩韓退之卷其言曰文中子謂北山黃公善醫先
寢膳而後賦藥汾陰侯生善知先人事而後封說余未善詩先性情而後
文辭寢膳人事性情也賦藥封說文辭也丙戌歲余寓杜亭決旬與德水
談詩甚快德水曰公之論詩謂當解駁形相披露性情何其言之似海翁
也屬非著之于此

秋夜鵝池侍宴應教

車馬荒村夜流螢水面多野雲停几席江月引笙歌樽湛淮南酒池添道
士鵝白頭慙受簡休問賦如何

荊門

桑柘兵殘後人家夕照中天秋沙雁減月冷戍樓空還將燕山北榜胡虜
海東城南餘戰地燐火夜深紅

荊州雜詩

問藥過城府兒童晚未回雪深宋玉宅雪暗楚王臺花發春猶淺樓高賦
轉哀家家湘酒綠誰爲一尊開

送句吳豪士重遊大梁三首

魏王臺上草紛紛落日中原低莽雲匹馬浪遊孤劍在酬恩誰說信陵君
汴水東流接大河曾經帝里問銅駝春風三月旗亭酒落日夷門一放歌
沙塵風起盡冥冥二月黃河尚帶冰桑柘夕陽村店路同離走馬吊韓陵
秋日上黨衙中懷故鄉知舊

白髮生青鏡黃花吐素秋家書無雁足客路一羊裘海濱辭鄉社山猿傍
酒樓誰堪回首處千里算雲稠

再示鯨

客夢苦難成鳴雞又及晨燕鴻驚歲晚越鳥對愁新九月催寒葉孤棹伴
旅人相看正牢落非爾復誰親

越溪女

越溪素足女婉笑青眉揚泛水采芙蓉歸來衣更香

山樓秋夜有所懷

旅宿燕關暮天寒霜葉稀涼風生夜榻客淚下秋衣路遠鄉雲斷山深
草肥堪棲珠樹鶴何日故林飛

晉陽山中元日

野老憐時序，壺漿慰客情。春盤那女送，曉樹曉禽鳴。寒梅驚花色，弱柳聽
角聲。他鄉逢一咲，更覺旅魂驚。

春日遊太原黃岩寺

拂衣坐盤石，度水聽疎鐘。古殿依崑碧，山花拂砌紅。晴峰輝旭日，春燕浴
條風。欲共巢松客，安福老仙宮。

擬宮中行樂詞四首

小紅亭子白闌干，入道宮娥玉作冠。袖出青梅彈鷓鴣，銀瓶滿注蔗漿寒。
碧殿春深瑤草肥，美人對月舞羅衣。夜來不作青鸞夢，化作彩雲何處飛。
玉輦春遊夜未央，燕衣侍史設焚香。黃金鎖合鸞鴛殿，無限春風到海棠。
琉璃硯水黃金瓶，十樣鸞箋寫道經。太乙紫壇朝帝罷，玉珠深殿彩花馨。

老僧

手中燃着白菩提，拄杖過頭眉下垂。石上晒經茶未熟，花間童子進雙梨。

春郊卽事

春風嫋嫋夕陽西，芳草萋萋楊柳堤。行盡溪山有那屋，青林深處一鳩啼。

宮詞

自從十五畫雙眉記得新裁白苧詞袖裏青梅大如豆石榴枝上打黃鸝
聞京東有警

尊南催秋館長風冷菊枝坐中蛩窸窣燈下舞絲絲四悔華光日百年爲
客時燕山新戰後鄉信到應遲

荊州公餽酒二首

菱葉青青水荇齊蓮籬黃蝶菜苗肥夕陽誰送山人醉坐看兒童踏犢蹄
秋風嫋嫋熟黃梁池上鵝肥酒更香醉裏不妨學楚語竹枝歌好和漁郎

雨中京雜有作

避地豈真隱謀生未有方晨烟熟雞黍墟里澆柴荆雨過豆花赤風高柿
葉黃鄰家不相識何處覓壺觴

十五夜郡坐小集

校書罷芸閣移尊赴晚衙舞筵宜小簾蟬榻隱輕紗稚子能翻飴翻堵啄
落花微風坐醒酒明月共分瓜

宿郡坐

燭盡燐紅影詩成悼白頭吳歌小榻夜楚雨虛堂秋殘夢醒餘濕輕寒伏

散裘鮒魚甘澗轍吾亦咲莊周

江閣晚望呈荊州公

幾處蒹葭連岸白數村烟火隔江明無家自合依劉表有賦誰能薦長卿
出峽去帆江樹隱衡陽歸雁暮雲平黃金已盡還爲客湘漢長歌萬古情

郡東題壁

晝刻分香短風簾簇影移天清聞笛羽院靜見遊絲往事閒堪憶長貧老
不疑黃金未可就瀛海竟難期

洞庭送徐荊州投劾東歸

秋來爲客易沾巾又向瀟湘送逐臣煙草斷雲橫楚塞夕陽落雁度江津
天涯白髮無知己湖上青山有故人回首吳關空悵望何年滄海共垂綸

自沙津江行舟次岳陽送徐荊州

漠漠晴沙江水流寒衣同上木蘭舟白蘋風起洞庭暮碧樹雲橫楚塞秋
羈客懷鄉何限泪孤臣去國不堪愁夕陽帆影臨空盡誰念天涯獨倚樓

石首阻風寄懷徐荊州

別後相思夢屢真秋來誰寄短書頻孤舟風雨偏愁客萬里江湖對逐臣

莊鳥苦吟終適越仲宣欲賦未歸秦十年零落黃金盡一夜長歌獨怆神
新春堂成寄懷所知

老去還杯酒春來自草堂揮金曾有志煮石竟無方岸木浮鵝鵝林花宿
麝香故人江漢少念子意何長

自公安縣夜歸鵝池庄風雨驟至有作

候雁迷寒渚昏鴉集驛亭故人江上別風雨返柴荆楚些秋能賦巴歛夜
懶聽蓬窗小兒女相待一燈青

九月三日方別駕携酒般見過因懷徐荊州

客淚秋能下人情老自知塞寒鴻雁早江暖鞠華遲對酒憐吳語聞歌憶
楚辭明年誰更健重把紫萸枝

江村寒食

白鳥忘機久青山吾道存興來從杖屨老去愛雞豚楊柳橋邊市樓臺江
上村童兒沽酒至風雨閉柴門

寒食西郊望八嶺山作

寒食孤村外春山遠寺鐘登臨風候異祭掃歲時同芳樹諸王墓浮雲舊

楚宮天涯對衰髮寂寞意無窮

秋日登陞覽樓

遠客不宜秋况登江上樓心隨胡雁滅身為楚雲留漢廣饒菰米湘清聚
白鷗寒砧何處發落日動鄉愁

雨中呈三郎

黃金臺下見君顏今日蕭條入楚關一顧那知添白髮十年何事老青山
鄉愁多在煙雲外客思偏生風雨間我已無家問消息問誰種藥不須還
俠客

賭擲賽劉琨家奴過孟賁千金不肯顧一劍為酬恩趙瑟停風柱燕姬促
象尊平生款段馬羞入孟嘗門

秋日待家書不至感賦此詩

澤國寒風木葉稀悲調昨夜賦無衣自添白髮年華異用盡黃金生事微
易水似憐湘月遠燕鴻還共楚雲飛魚書錦字無消息秋草開門又夕暉
春日寓徐公西園

笋出過關見桃香度水聞樹深連海色洞午散江雲石上拋書卷花間散

萬壽宮詩集卷二
鷓鴣春愁如碧草隨處亂紛紛

海上寒食

風雨臨寒食偏驚流浪情梅花鄉信遠芳草客愁生青眼故人少白頭世事輕還餘一尊酒東海吊田橫

雪後

石徑留冰雪松門鎖薜蘿幽身自得機息鳥常過芳草春愁少梅花客醉多竹枝辭更好還愛楚人謠

賞雪侍譙應教

狐白暖蒙茸當謁集上公春藏金屋裏僊隱王臺中送酒青樓妓焚香白玉童錦屏寒不入只許隔簾櫳

春辭二首

南浦誰家薦綠蘋堊堂又發楚山春滿城芳草烟和雨江燕飛來似識人廣陌青樓楊柳新鶯花時節可憐人至今漢上多遊女笑折疎麻贈所親

踏青楊林洲

驂騑蹀躞上芳洲楊柳青青楚水流日暮東風搖百草不知何處是昭丘

飲酒

城上秋風動薜蘿十年江客意如何酒腸方大黃金盡世事纔知白髮多
月冷却憐孤鶴怨天寒誰聽飢牛語平生還愛於陵子用拙爲園老一蓑

秋興

江上形勢老山中薜蘿秋鶴鳴竹院靜紅蕉雨
白頭室無萊子婦誰共臥雲丘

楚童

京山唐氏贈二童子呼爲赤砂白石

白晝楚童清雙鬟翠酒瓶灌花枝汲井學字夜囊螢竹院晴時埽柴門客
去扁弱軀偏惜汝飢渴屢曾經

遼府草亭贈朱孔昭

平原門下侶君稀猶著前朝舊布衣況我不如君數倍食魚何敢望輕肥
連日風雨驟生薄寒分甘哺孫賦詩自娛園蔬時醖亦足養老

江城風雨夕茅屋短長陰歷歷秋花發脩脩落葉深老憑孫暖眼客用酒
寬心欲買羅含宅曾無作賦金

雨後移竹

童僕飢時嬾家食願一金
臨寒惟短褐風雨屢長陰
江閣秋生岳城高霧
隱深從來愛幽意移竹間花林

抱孫乞食市中

何室炊紅粟誰家具絲尊頻遊雙屨
弊生計一瓢存任爾呼牛馬隨予愛
犬豚絕交書未上爲客老荆門

秋日楚望是年戊辰大水

聽鳥中林性看雲故國心地卑
湘漢闊天遠洞庭深老馬空知道窮後豈
擇林十年書劍客寂寞到如今

飲酒三首

福端吾不爲盛名豈敢居
列子老鄭園何異凡民愚
六用俱可廢一真良自如
百年此形容泡影現斯須
有生胡不樂安有再來軀
箕踞竹林中酌酒焚枯魚

曉常在目前如何目不見
死常隨我身如何我不思
好高窮遠深至近反忽慢
誰知衽席間而乃卽天漠
萬古亦非遙一息長無筭
老彭與馮子齊天相等看
靜觀蜉蝣羽可同白石爛

怒則乖天和喜亦傷大雅
喜怒同使臣胸臆若傳舍
來去本無端不乘車與馬
一氣自起滅萬形非真假
十年會此理欲辯言愈寡
中心久藏之當告知者

襄陽懷古

襄陽白面兒
貴冑綢緞漢水東流去
英雄可奈何

春寒睡起口號

白髮白於絲
春眠起較遲
卽看芳草變
又過杏花時
短褐寒先覺
長吟趣自知
誰云魯酒薄
猶免越人思

久雨小晴卽事

海色常含雨
山雲薄帶寒
曦微占算鵲
芳意結春蘭
對酒看長劍
低頭試小冠
孟嘗空好士
白髮老馮驩

同襄陽阮舉人遊楚山田家遇雨

携酒依場圃
班荆共老農
樓臺一木外
風雨萬山中
田葉浮逾綠
溪花濕更紅
百年耕鑿計
吾媿鹿門公

泗上贈呂俠士

南遊不得意來問魯朱家生
澀青樓妓凋零白鼻駟防胡
過雁塞較獵度龍沙剩有綬
纓帶時時拂劍花

九日夜集李北山園亭賞菊觀妓

白酒映尊空黃華夜露濃微
歌來衛女扶醉有巴童香霧
沉蘭圃晴烟駐桂叢海風吹
月上移席小閣東

會臺觀賽

霸業古臺荒天寒野日黃雞
豚秋社酒籬落木雲鄉對舞
肯谿女齊歌白石郎家家扶
醉去海月照枯桑

和贈李少卿

桂樹冬榮覆院幽護寒鸚鵡
傍青油小姬對月偷教舞少
婦鳴箏不下樓集外詩二首

自題画老子圖

函谷關西幾度遊至今紫氣
未全收青牛老子頭如雪莫
怪山人浪白頭

清明

寒食東風草色新
點點高塚臥麒麟
可憐泉下千年骨
曾作提壺拜埽人

江盈科曰海翁方面大耳身長七尺鬚眉皓然所桃源半載居恒無宿春
信糧盡則值紙繪古人圖像易米為炊偶遺一金以上皆不受二詩皆獨
姚自題其面者也

白雲先生陳昂

昂字雲仲自號白雲先生竟陵鍾惺傳曰白雲先生則昂者福建莆田黃
石街人也所居所至人皆不知何許人自隱於詩性命以之獨與馬公子
用昭華先生詩所謂自天亡我友者即其人也莆田中倭城破領妻子奔
深章縉草履爲日不給繼之以卜沈彭蠡憩匡廬山已入楚由江陵入蜀
附僧舟備糗以往至亦輒備於僧遂徧歷三峽劍門之勝登峨眉焉所備
停輒死反自蜀寓江陵松滋公安巴陵諸處至金陵姚太守稍客之給居
食久之姚太守亦死無所依賣卜秦淮或自勝片紙於扉爲人備作詩文
巷中人有小小慶吊持百錢斗米與之隨所求以應無則又賣卜或雜以
織屨而林古度與其兄林者閩人寓居金陵一日過其門見所勝片紙於
扉突入其室問知爲莆田人頗述其平生一扉之內席牀缶甕敗紙爛筆
錯處其中檢其詩誦之是時古度雖年少頗曉其大意稱之每稱其一詩

輒反面向壁流涕嗚咽至於失聲其後每過門輒袖餅餌食之輒喜復出
其詩泣如前居數年竟窮以死其子倉皇出覓棺衣昇之中野古度兄弟
急走索其集無所得手書五言今僅一帙其自序畧云昂壯夫時尤嗜
五言第家貧無多古書得王右丞卽誦讀右丞得杜工部卽誦讀工部開
取其所中規中矩者時或一周旋之又時或一折旋之含筆磨毫研精殫
思今觀其五言律七百首則先生所學所得盡此數百矣其云末一卷爲
排律亦不存謝朓中云有集十六卷在江浦族人家論曰近有徐渭朱登
春皆以窮而顯晦於詩然未有如昂之窮者也予嘗默思公纖屨賣卜儲
鼎鑪膏時胸中皆作何想其昧世人紛紛藉藉過乎其前者眼中皆以爲
何物求其意象所在而不得吾友張慎言曰自今入市門見賣菜傭皆宜
物色之恐有如白雲先生其人者甚矣有激乎其言之也

宿江邊閣

暝色江邊閣行吟易斷魂風前兩岸葉月下一聲猿夜哭誰家婦寒號何
處村洞庭春水動催艇去荆門

城破領老妻逃入仙遊胡嶺二首

喪亂餘生在飢寒何所投
晝迷聞鬼哭夜窺魘仙遊
有徑風先慘無山鳥肯留
老妻向天問盜賊幾時休

觸目驚猶故逢茅伏自遮
扶行衣藟刺裂削面如瓜
橋斷深宜屈途平助悲差
斜風飄細雨啼殺未棲鴉

題張將軍將至領老妻從萬山中往潭州賦二首

未必妖星墜應憐瘴嶺迷
支撐羣鳥道曲折步漁溪
時事多無據音書少有題
十年群盜劇竄伏淚長啼
元神間將至七閩後秋欲回
上帝怒先復匹夫勢獻賊鯨波上招魂劍
水正殘生留眼看平復舊神州

江滢

江滢風難靜關頭嵐尚迷
天河明一雁鼓角亂群雞
飛將今安在妖星久未低
偷生垂老日身世寄塗泥

閩南登樓

切莫憑樓望令人更慘淒
戰場多鬼哭息壤衆烏啼
黃霧埋城郭寒風死鼓聲
深林巢燕子來往亦銜泥

移居巴陵

此卽巴丘成相傳魯廬城古今餘往事兵火剩殘生楚水爲漁便相涓賴
舌耕地靈如獲託亦足寄遐情

進雲安

漸失烏蠻瘴新逢白帝寒霜催沙磧奮風弄蕪聲乾峰渺孤烟直江空落
日圍布帆報無恙今夜進雲安

泊雲安

短褐絲絲斷爲冬不亦難蘆花裝被暖楓葉受霜乾溪日思終厚山風勢
未寒此間多美酒生計卜雲安

沙市

此鄉如地肺一望渺無山春在樓臺裡江浮花鳥間荆州不願識王粲未
能還漁釣堪糊口柴扉蒼亦關

秋上白帝城登白帝樓

石壁將天壓山樓反不奇英雄雲散後烟靄日斜時碧澗秋光老青林
夢宜樽前多感慨衰柳已先知

風色

風色一以變林光反不禁黃姑依淡月白帝動清神萬里無家客孤燈獨
坐心予行濡且滯舟楫豈難尋

暮春題灤西新賃草堂

峽口聯江口山鄉亦水鄉春來容膝屋雲倚及肩墻旅食亦求靜偷生且
善藏灤西居頗適好賦反騷章

日暮遣悶

欲盡西傾日全低東去天雲峯沉萬籟靜井淡孤烟故國兵戈後他鄉凍
餒年寥寥今夜客道自洞庭邊

貴志

野橋亦淺促朝徙水雲鄉浦近尋魚腹山佳問麝香仗邇行度口養鶴畏
分糧莫把愁腸結衰年在貴志

過涪州

寒溪一涪州驚心幾度遊屢更新地主不改舊沙鷗片月穿仙嶺微雲止
戍樓山山寒氣甚夜半擁重裘

還家晚坐

最厭長爲客還家秋雨中飢容歎妻子敗葉理梧桐俗覺今時換人憐前輩空青有一雙眼落日送冥鴻

湖面

湖面初秋色清如鏡神清潮來飛白鷺烟至織黃鸝虹學美人出風爲少女行此間塵不到身世兩忘情

一路

一路頗幽閒行行又幾灣微茫聽竹籟次第較花顏林樾下層瀑石堂四面山下居如得此日日閑柴關

吳中春暮寄友

勞矣條風力吹成萬綠稠楊花街小燕行帶曳輕鷗別後多鄉夢貧深悲旅愁東吳三月路破碎黑貂裘

有令賦殘荷遂口占

萬木方零落荷先葉自傷旣圓應有破久翠漸多黃益或隨波蕩楚猶惹露香蔭收無賴日惱殺雨咎落

白帝城月下在路

馬體汗如雨余應有苦辛獨支天外路易困斗南人乳虎遊斜日蒼猿聒
暮春那期故國月白帝照懸湯

雨後天晴放舟下峽

雨後虹方挂晴來霧始收風光明翠岫江色淡新秋返照薰殘濕寒潮踏
急流放舟下三峽定醉仲宣樓

初歸躍馬澗招長干忠公

萬事不如意方知無事閒傍墻分煖日移榻就春山黃鳥飛初下清泉汲
正還題書寄開士帶月扣柴關

行至楊子縣寄茅山道士

我行楊子縣此路有誰同堤上時時雨帆邊颯颯風金從結客盡詩爲落
花窮句曲雲何白看雲悵望空

鏡中

鏡中雙鬢雪相見更相憐偃蹇居牛後敲推敢馬前一家寒露葉萬事尊
秋蟪開口不曾笑人間八九年

白雲巖曉歸道中

一得高僧論歸途落日中
鳴鈴迎霽月漁笛喚涼風
是象漸欲暝有生能不空
迷心如可悟身世付秋蓬

夏日東林寺

欲尋神運殿一徑薺莠苔
鐘響日光落溪荒月少來
大都身後事難免劫餘灰
千載相逢晚白蓮不再開

暑夜與葛九惟善步信州浮橋

與子立河麋于時暑漸歇
一鳴峰杪鐘遂見沙頭月
村火射偏紅螢燈飛欲沒
安得緒風涼風吹濯髮

冬日雙林寺時予家于豫章

可見無人境門前與世分
鐘聲停半窴水面湛無心
雲宿火灰中陷隣春雨外
勤豫章二百里消息不相聞

坐法華寺樓

樓居固所好安可對斜陽
天外連芳草雲邊望以然
鄉雙星分四野一雁應初
霜滿目蘋風起扁舟意敢忘

宿雙溪鋪

不有雙溪宿能知孤客情山川沉月色天地變秋聲華髮明殘燭疎星灑
五更出門純鳥道肯信馬蹄輕

過陳州宿小菴

一雨荒精舍孤吟見早霜禽寒移密樹螢濕定疎簷入洛空携賦過陳易
絕糧不眠數更點二十五聲長

坐久

一生既錯料萬事遂孤零妻子動相謫詩書竟不靈哀哀何處雁脉脉隔
溪螢坐久西風急寒天尚未青

鷓鴣旅無聊自嘲

世態久方見人生已浪過長鳴學蜀帝善淚像湘娥雨掩春山重江埋宿
霧多紫貂裘敝盡季子不歸何

濠州道中

清晨迷野渡春水正落然淮泗如浮地荆塗欲攬天風花林外舞客夢馬
頭圓匹鳥能高舉雲端故不旋

閒居春間二首

眞爲滄海客安有野鷗嗔開戶來新月留花蒼葺春青山歌送鳥白眼醉
看人此外生涯事君其問水濱
春水倚天長春雲入徑香梨花銜燕子荇帶戲鴛鴦白苧朝初試清言世
易忘冠纓如可濯一笑過滄浪

郊原

郊原方落日千里轉玲瓏小阜浮波上遙天覆鏡中封田齊晚稻雙社下
新鴻誰染淮南景秋汀蓼蘂紅

客中春暮

不見春和候開門尖翠微鶯聲悲凍在花氣怨春稀地遠誰修禊山深未
試衣故園憐久別合眼卽能歸

初冬夢燕子磯

霜來風遂慘西谷凍殘暉漢水魚將聚洞庭柑漸肥他鄉愁易結寒夜夢
先歸稍待江平穩舟尋燕子磯

挂帆

挂帆雨霽後風亦息顛狂去鳥衝烟白歸雲壓日黃闌憑懸楚岫杳轉失
潯陽九派涓涓急朝宗意頗長

二十七日立秋夜作

是夜秋相見律歸夷則中草心蒙白露衣領受京風舞覺蜻蜒爽聲添蟋
蟀工吾其先散髮作賦答天公

少出

少出無乃癖因之不覺非紛華歸世界天地散春暉飛翠膠鶯坐遊絲繫
燕啼楊朱岐路際南北易沾衣

黃山早行

客心懸遠路四鼓出重關古剎神燈入虛巖鬼火閑有烟迷白屋將雨失
青山不覺涼颼起飛螢漸漸還

歸舟月下寄友

萬里南歸客風前五兩鳴蒹葭浦秋水霜信急前程流落恰子飢寒仗
友生遙遙天上月此夕最關情

遊山歸途口占

山國飛黃葉回途秋洒然禽聲留落日驢背穩衰年寒深纓林谷晴溪鏡
水天何人吹鐵笛隨我過前川

贈葉秀才

壯老貧猶故斯愁不易捐賣文聊旦旦就屋且年年酒負今生債詩留異
代緣夜長如不曉切莫愁蒼天

不離西閣

雨餘無一事雖午戶猶關低幹禽多睡殘書蠹不閒推窓又見日散髮且
看山閣外談生計應須老友還

又陽道上

宇宙一搔首秋殘未暇論天涯欵段馬雨後夕陽村葉抱初霜病鴉招半
菽魂渡頭燈火起此際賴飽鱣

野望

信步失幽徑凝眸起苦吟天孤邀曠野林密引淪陰病葉因風落空山飲
雨沉昏鴉何作怪勉強噪寒林

行歌偶成

岸漲潮初起帆開風正勻
偷生今老耄避地久吳秦
留眼看明世行歌泥
逸民遠師陶靖節漉酒用烏巾

天問

春光從到後物物露春情
雨養枯泉活烟鑿病草生
梁間添乳燕柳外嚙
新鶯一飽料天問何時願可成

開吾道

物物關吾道予情卽若情
泥銜飛燕去花抱仰蜂行
浪染秋沙白雲粧晚
嶽明衰年賴釀黍方法似生成

愁坐

兀坐愁何事方方八節灘
孤村浮水上一雁呼江干誰
挂仰天瓦空扳下
坂凡隣家來冀北翹首問長安

入清流山宿雲菴訪忠公

雖愧許玄度遠尋支道林
溪光圍淨室山色證禪心
落日飛黃葉寒風定
遠禽對床兩知已十載懷分襟

江南旅情

日落青溪楓潮平白鷺洲林深常似雨江靜易生秋涼月來天外明河俯
渡頭飛飛鴻雁影不見尺書留

殘秋落日

敗葉如和約時時競遠飛露濃秋欲去寒急市先稀天變揚滄海山昏失
翠微鳴鴉千百點爲我送將歸

早發

亦知挂席便遂聽棹歌行病葉星前色新蟬露裡聲稍分山影出遙見海
潮明舟子呼同侶潮頭漸漸生

小至

天涯除客子何者却飄蓬病待微陽起詩憐小至窮峰陰分鬼火溪北斷
漁筒悶坐梅花下吹來釀雪風

歲暮書所見

老蒼到此際無意作冬天山東顏先活冰懸腹不墜雪飛勾細雨春近逼
殘年若與梅花隔斯愁未坦然

玄陽山人王逢年

逢年字舜華初名治字明佐崑山人故司業同祖之子也少爲諸生試經義多入古文奇字爲有司所黜往謁袁文榮公於政府文榮以故人子厚遇之曰天子方修祠祀新禮樂生幸從我遊事筆札承明著作之庭可懷武也文榮令草應制文字有所更竄退而上書閣下以時文取科以青詞拜相惡知天下有古文哉不辭而去文榮遣騎追之不得及渡淮出于旅人淮陰人魯道者少從李空同學詩徒步追舜華於逆旅資之以歸輯其詩曰海岱集王元美爲序盛相推挹舜華顧時時拊膺王李詩嗚爲俗調元美怒而排之舜華益自負作五敵詩謂慢世敵稽康綴文敵馬遷賦詩敵阮籍述騷敵屈宋書法敵二王著書一編曰天祥閣外史妄男子輯東漢文誤入之益自喜以爲當吾世得追配古人也盡斥其田廬市古器物得古琴曰焦尾謂真蔡中郎故物也晚年持過王敬美曰老病無聊願以此贖城南數頃爲僧粥計敬美唯唯受之數日出謂曰焦尾琴神物也昨宵風清月白焚香撫操二玄鶴從空下飛鳴盤舞挾之而上少選不知所之矣其可奈何舜華頹首曰固宜有是所知基之曰焦尾無恙乎曰去矣年八十無疾端居欠伸取所書金剛經捧持而逝儵然若坐脫者舜華與

先皇保赤余兒時猶及見之先宮保言其生平如是舜華詩集甚富余從其家鈔得之亂後失去今從先宮保遺篋中搜得若干首

送盛仲交還秣陵

盛生東出關白下桃花滿相逢南陽田園寄孤雲遠君歸江國正鳴鴈草綠空磯燕子愁與爾期登雨花閣六朝何處楚江流

金陵咏懷

奕奕鍾山紫氣開壯遊彈鋏鳳皇臺上林曙色迎黃鳥古殿晴陰鎖綠苔馳道久虛清磴度近臣猶似早朝回當年定鼎尊臨日玉帛曾聞萬國來
夏日草堂漫興

閒庭碧梧澄素陰南山結廬幽意深將浣未浣溪畔女欲鳴不鳴枝上禽臨觴坐嘯還咄咄岸幘遠望何森森黃雲澹蕩落日冥一派菱歌烟水潯
秋曉聞鴻

轉砧稀秋夜闌朔雲遙度雁聲寒夢回旅館燈初落書寄衡陽葉正殘隱隱斷行迷極浦蒼蒼斜月帶長安湘南塞北關情遠人倚青樓幾處看

情詩

美人臨高樓青蛾盼來久何許繫相思一帶橫塘柳
橫塘柳初齊綠燕驚巢栖雙雙飛不去莫蹴柳花迷
柳花拂羅袖脉脉銷魂盡離恨幾回腸獨援瑤琴奏
瑤琴奏還歌燕掠樓中月似夢昭陽宮心將露苦結

夜行郎二首擬古永府寄所思

長寄相思明月樓夜行郎在海西頭月光若共郎行
還那得當應照妾愁昔看明月不如郎同照夢花伴
曉妝別後郎情寧似月理階隨影度孤房

築楚門枝巢隱居

卜築楚門下一巢聊自棲夜同蟬沐露春與燕分泥
秦苑樓臺沒吳宮日月低浮生已殘夢何事落磻溪

海上歲朝

海國春初轉還開臘社筵世情回舊曆衰病入新年
往事雞聲盡閒愁柳色偏從茲復朝暮蘇晉浪逃禪

漢宮篇

雲蟠象魏接長楊日擁龍顏坐未央吾道欲興周禮樂
聖朝空老漢文章九重推轂邊人淚雜珮分花輦路香
誰薦子虛金馬外汾陰春雨夜蒼蒼

薊門城樓玩月

黃塵向晚薊門深白石行歌無好音
萬里登樓今夜月三秋落木半河砧
山空羸女吹簫歎天遠梁鴻去國心
世路不如依漂母且投書劍釣淮陰

梅花落

朔風淒淒洩水陰
荒聲半咽清夜沉
征人隴頭寄春心
月寒落蕊關山深
少婦相思攪離色
夢驚雞塞秦雲白

折楊柳

邊樓夜笛吹霜月
玉門楊柳邊人折
長條短條繫相思
故園東風罵嘲枝
驚鴛機上腸應斷
綠滿天涯人未歸

虎山橋問渡入五湖

野水平蕪霸蹟消
蒼茫萬頃風飛濤
參差三弄醉遠客
七十二峰迎畫桡
細雨鳴玄墓樹
夕陽僧過虛山橋
武陵源口秦人路
莫向浮雲問市朝

南徐募泊登江上樓

烟波如眺武昌樓
宿鶯還疑隔水洲
把酒江山遺事在
側身天地此生浮
中流落照金陵繞
斷壘空城楚苑秋
亦是湘南哀郢客
兵戈垂老未歸舟

登瓜州酒樓留別

楓樹清霜戀客盃，日高京口曙烟開。
帆飛細逐通州下，江影青浮北固來。
擊揖關心鴻不到，登樓何事淚頻哀。
秋風黃葉平原里，此去還應首重回。

海上歲朝作

落魄平生誤計然，春歸無恙杜蘅邊。
梅花雪塢留殘臘，澤國砧聲帶舊年。
滄海魚麗空戰艦，烏衣燕子過烽烟。
五陵冠珮追趨日，野老如持漢節偏。

王秀才伯稠

伯稠字世周，其先常熟人，移家崑山。父冕，字元肅，多長者之交。王雅宜白雀帖所謂元肅參軍有精廬在虞山下去白雀不遠者也。世周少謝博士弟子，肆力於歐詩，閉門擁被，悉取晉唐以下諸家吟咀諷詠，稍閒則輒止。花宮蘭若，或留連狹斜，旬月不知所之。對客不問姓名，無寒暄語，遇酒炙放箸大嚼，啖吻間時作噉噉聲，竟坐或交一言，晚年嘗過余，投所著樂府古詩一帙，蠅頭細字塗乙刪改，旁行側出，如蛛絲蚊翼，非定晴諦視不能詳也。其苦心於斯道如此。王舜華爲中表兄弟，其依隱傲世畧相似焉。

子夜四時歌

月寒蟋蟀鳴獨向空庭步金井雙梧桐花上有清露
北風昨夜來大雪忽三尺不愁送儂寒但愁斷歡跡

西鳥夜飛

何處驚棲鳥撲翅忽飛去儂家樹自好鳥那不肯住

長干曲

月出江頭白鷺飛江花采罷濕羅衣儂家住在長干里自唱蓮歌伴月歸

長安道

白日照馳道高天雙闕開黃金丞相閣清吹五侯臺馬蹴香塵起花藏翠
幃來新豐白首客彈鋏夜歌哀

大堤曲

清江出明月月白江花寒微風吹儂歌懊惱愁殺歡

莫愁樂

春風吹石城日日喚花開可憐花上月不喚莫愁來

蘭若卽事

興來時野眺小立倚柴扉一雨清波動雙林片月歸山麓藏竹語水鳥出

花飛不覺空烟暮
嫩綠深翠濕衣

和韻

春風千里憶佳期
鏡裡空憐玉樹姿
驚夢暗憎鸚鵡喚
避人偷倚伯勞詞
月窺翠幌愁相語
花入珠簾恨自知
爭信文園憔悴客
漸寬腰帶髮如絲

清明日風雨過士登至中飲得花字

清明蕭瑟送春華
短屐欣過仲蔚家
小語輕寒來燕子
半含微雨出桃花
蝶飛幻夢何須較
蟻盡深杯可再賒
澆却北邙墳草濕
白楊愁鬼哭烟沙

秋日過子問郊居二首

葉砌百轉入幽溪
灌木蒼藤夾岸迷
一縷炊烟小大吠
柴門忽出竹叢西
映竹緣溪三兩家
陰陰樹影日將斜
翩翩黃蝶穿疎藪
唧唧秋蟲語豆花

聽沈二彈北曲

燕歌撩亂夜絃鳴
訴盡青樓別情
四十年前明月夜
夢迴曾聽斷腸聲
薄暮步溪上
見茆舍前桃花盛開

嬌靨枝枝破
淺紅萼寒無語
向春風誰來花底多
情立白髮如絲一病翁

訪周子居幽居不遇

寂寂柴門深自關
幽禽相喚語青山
牆頭含雨桃花色
半出青蔥春樹間

贈歌者

盡說青樓碧玉家
舞風歌月閒鉛華
自從誤識櫻桃後
懶看閒門路畔花

青樓曲

日長深院石榴開
懶闌紅妝傍鏡臺
偏愛雙飛雙燕語
自開珠箔放歸來

涼生豆花

豆花初放晚涼淒
碧葉陰中絡緯啼
貪與鄰翁棚底話
不知新月照清溪

追背感事八首

出世周手葉集本不載

秋風九塞靜狼烟
鐵騎千營夜醉眠
大秦鈞天酬上帝
君王法駕在祈年
西內詞臣和栢梁
天書飛動賞輝光
誰憐一鉢新豐邸
彈盡秋風自晏長
紛紛遊客似雕胡
一技俱能獵異恩
牛飲總污丞相席
沐猴爭戲五侯門
欲醉胡姬耐笑看
耽酥千盞不辭乾
忽雷抱向青樓月
撥出涼州夜雲寒
燕山自古接胡沙
大有胡風入漢家
小婦拍鞍能走馬
兒童搗藥學吹簫
玉環金轡跡夕陽
風清海子碧波長
荷花千頃無人採
落盡仙姬鏡裡妝
射虎屏龍意氣豪
縱橫年少見五曹
老來夢斷長安事
落月撈蝦傍小舠

高枕青山計未貧。空林幽鳥伴吟身。誰能更抱齊門瑟。老覺長安解聽人。

朱秀才陽仲

陽仲以字行。失其名。遂寧人。七歲能屬文。刻意騷雅。嘉靖甲午。以武解死。武林之逆旅。其友侍御黃中輯其遺集。

楊花篇

江南二三月。楊花競芳華。寂寞長條攀折盡。綠絲飛來千片花。千片飛飛。西復東。白雪晴雲盡。溟濛風吹滿空翳。白日散入千家池。館中池館樓臺。媚春羞珠箔。重重散花柳。白玉筵中拂。画衣琉璃杯。裡沽春酒。落日千家。春酒闌。飛花拂拂玉闌干。高處餘風常不定。低邊口氣轉。猶寒秦女樓中。妝鏡寂。王孫道上相思憶。詎將春色報深閨。還愁綠度南陌。南陌深閨。兩地情。惜此飄揚花。性輕焉知落地爲香土。更憐入水作浮萍。香土浮萍。那堪數。虛令春色年年度。今年已見柳花殘。明年復見楊花吐。愁殺龍沙。千萬山春來。春去損朱顏。祇被楊花惱。妾睡不教清夢到燕關。

寒食行

誰家墓頭作寒食。野棠離離間古柏。香鼓轉轉拜埽歸。日暮風吹紙錢白。

紙錢不到青泉路歲歲化爲墳上土人生苦樂百年中笑殺荒山石羊虎
西家女兒哭未休城東又作踏青遊滿地花枝開芳草還嫌落日催啼早
待得明年寒食時又來挂紙一沾衣

雙溪曲

脉脉溪路遙汎汎落花嬌人心不如水相隨下河橋

西湖採蓮曲二首

五月芙蓉浦花開勝若耶若將湖作鏡應照妾如花
玉腕搖輕楫紅蓮暗綠波花深欲無路棹轉忽聞歌

楊柳枝辭

廣陵楊花辭故枝各自空條雨後垂羌笛不知春自去分明一曲月中吹

山塞曲

雪盡洮河月滿管胡見羌笛奏邊聲春風不到單于塞何事梅花夜夜生

長門怨

春盡長門鳳苑稀宮闈百轉繞薔薇落花千片如紅雪飛入昭陽作燕泥

長干曲

美人家住漢水濱夫婿從軍久向秦江口寄書無復使客中多是洛陽人

王舉人養端

養端字茂成遂昌人八歲能詩賦嘉靖乙卯舉于北閭游燕中與一時名士稱詩李伯承皇甫子循皆亟稱之同里何鏗曰括之詩人自劉文成後有青田陳太鶴各夫刻意張奇遂昌朱青城湯仲學工風調後日其陳未抗行者茂成也茂成有遂昌三賦賦家稱之

都臺紀事四首

九五黃宮八百姬臣工拜舞賀昌期春回靈囿時頒曆香謁瑤壇夜受釐
河渭吐吞秦日月岱華掃蕩漢旌旗清平樂事何由識柳暗花明出鎖遲
三月皇州春事稀玉堤瑤樹盡芳菲農官夜候穰穰降苑監朝供苜蓿肥
寶蓋拂雲雙鳳集袞衣浮日六龍飛山人無路將片曝擬傍台階領紫微
彩霧氤氳覆禁城西山旭日始分明大官入捧絲綸旨女史來收館閣評
白鳳青霞開寶宇金盤玉碗散朱櫻南郊昨介清和節徧賜蓮花報化生
此詩誤傳爲李尚書默作

翰選初呈金馬門群賢此日荷宸恩綢封紫蠟傳仙仗高竚紅雲儼帝垣

麟閣曉浮花氣暖虎幃春動日華晴
官忽奏文昌見天子親臨策士軒

蔡廣文宗堯

宗堯字臨海人自號東郭子嘉靖丁酉舉于鄉
謁廷司教松溪松溪諸生刻其文曰龜陵集多識古文奇字詰曲取裁殆亦圭峰之流亞出於嘉靖中年故知其茂視李王矣老死青瑣世不復知其民名可感也集凡二十卷詩止樂府一卷

麗情曲

蘭房過雨蕙徑空綠雲謁謁裏春風
欹枕牙床睡初醒臙脂汗濕羅衣紅
鴛鴦牽綉絲未歇軟瘦香肌倦如雪
玉麟墮地渾不知流蘇夜暖斜明月
珠簾半捲春日高海棠飛起雙蝴蝶

河套以下皆集外詩

胡虜昔何在遙聞將士訛何曾親吉甫
遽欲奪蓬婆浪蕩輕難潰成功幸
石磨未知廊廟計終始果如何

秋思二首

長莎肥馬映征軒飛騎遙頭入報墮
祇見烟塵從遠磧不知胡虜獵平原

殘兵破鼓傷遼水絕塞悲那泣楚猿最是書生猶將累屬饒陽後竟誰言
斷雲殘柳接微烟極目氛埃白黯黯紫塞蒼茫能立幟黃河容易可投鞭
須知據險人持戟莫使衝風馬避羶勝算終摧高閣壁進藩荒破大羊天

感詠

海國涼生吹雨花西門十里仰天涯山街落日孤雲細林梢疎鳥羣斜
湖海壯心驚白首廟堂清議屬烏紗洛陽年少空前席賓客梁王憶漢家

張指揮元凱

元凱字左虞吳縣人以世升筦蘇州衛事再督漕北上有功不得叙白免
歸左虞少受毛氏詩折節讀書改而從戎非其志也既膺世爵屬繫鞬挽
強躍馬顧盼自喜冀馳騁功名之會以洗統緇之辱而卒不得一當督漕
之役出徐淮達燕冀縱觀古英雄戰爭都會之地前迎後却貨酒高歌入
長安覽觀官闕苑囿親見府官講壇之盛作西苑詩竊比諷諫之義歸而
悒悒不得志游於酒人以自放酒間談說天下事慷慨風發意有所不可
使酒罵坐坐客皆亡去意自如也善王長公兄弟皆其甥曹子念每過余
山園鯨吸牛飲推爲酒人長公叙其詩以沈始興曹竟陵爲比左虞

突然不屑也左虞沒長公伏日服書得其行卷歎其知之未盡爲詩一章
屬其子孟孺酌而焚之殯官有伐檀詩集十二卷孟孺亦能詩

雜擬詩二首

少小結游俠長大慕豪英六郡已脫籍三輔乃有聲藏活以百數脫死常
獨行風沙撲馬首關月候雞鳴將軍言郭解公子拜侯蘇彼非有一命權
可當專城所以奇節士慷慨說指生大笑東家兒殺人隱姓名
有客住吳國贈我以莫邪提携未出匣隨手生霜花或恐是神物吞吐虹
光斜不惜黃金裝橫在白鼻駒邊昨昨夜至飛符度流沙秋月照長城胡
騎紛如麻按劍左右盼目已無渾邪丈夫爲天下安能復顧家

漁父

溪橋轉山徑湖水碧於苔漁舟柳陰下舉網得四腮樵薪猶未至新醅業
已開團圓坐妻孥不簪亦不幘欲要采菱人西風吹船回軟蕖蘆葉響月
上潮正來波濤非云陰夢寐良不乖向逢楚大夫言言傷我懷

樵父

偃樹脊不起繁條秋滿散長鏡入空谷歷歷摧枯蓬形骸肖山鬼趨捷輕

但公玄熊夕相避猛虎豈不逢
幸脫無咎險阻窮能通有時不歸來高
臥山之東積薪擬待價沽酒明月中
桂枯軒冕者終焉媿此翁

閨詞四首

搗衣聲不亂搗衣情自深秋風一夕起
閨中同此音妾搗君不聞天涯自
有砧也應如妾心妾搗君心
憶昔初嫁君明珠綠雲今日君離別
飛蓬亂不結忘我久食貧游趙役
游秦秦人未逐客安能返鄉國
夫婿乍封侯尚爾玉關游欲繡一端
錦寄耀千驄秋行塞池上柳夫渠摘
纖手顏色比不差銜在天吳口
琴瑟昔在御莫不靜而好自君久別
離芳櫳生青草彈琴無知音調瑟多
苦心絃繁曲亦亂月落花陰陰

邊詞五首

結束良家子翩翩居帳下從軍不數年
節鉞安可假耻隨五校後單騎走
朔野龍劍躍且鳴奪得胡名馬
匈奴約和親邊烽晝不戢士卒漸忘
戰年中罷超距繁躡弄胡兒拍手學

列朝詩集下十

巖語草間騎羝羊引弓射鳥鼠
秋風試鳴鏑忽見孤飛雁一矢鏃其羽遙隨前山澗衆謂南來鳥足有帛
書綰策馬往視之野火新燒棧
九月未授衣十月邊霜凜士卒夜苦寒獨抱雕戈寢欲訴霍嫫媸無奈生
貴甚穿域正賜鞠陽春生賦錦
久隸行伍間尚在偏裨下寒霜生鐵衣秋風勁弓弦執鞭乃吾分寤辱何
須訝衛青亦人奴敢違辟笞罵

采菱詞

菱角何纖纖菱葉何田田鷺鶩與鸂鶒相對浮清川采菱白晳郎蕩槳後
復前偶逢西家姝隔浦來采蓮嬌容入花亂素腕隨葦牽要往語綢繆風
動裙帶偏采采忘采角但采葉在船贈我雙蓮子庶幾不空還

圖山朱都尉過訪留宿草堂中夜不寐情見乎詞

有客江上來柳下住雙槳身白儼如狐巨口仍廣頰相見懶長揖落魄高
陽黨呼兒且沽酒把臂坐草莽十年交自傾片言心覺爽明霞四散飛長
庚獨先朗蝙蝠撲檐間熠燿行草上涼風西南來刺刺枝頭響下榻不能

空庭共頽仰慷慨醉中言何時起李廣

志別

祖道一尊酒涼風江上生楓林一葉丹秋動千山聲星離越溪水雨散吳王城我昔遊燕趙居人送我行今我亦送客酒盡淚欲傾乃知送我者掩袂多至情

汶上阻雪

我行阻徐方日夕望吳國積雪覆平原千里同一色門前偃柵櫺屋際孤煙直黃河水正堅芒碭雲來黑狡兔潛以伏飢鷹竟何食客子煨枯蓬主人春殘稷何日見朝陽蕭彼南歸翼

匣劍行

生長夫差國家住專諸里鍛鍊昆吾成一匣明秋水秋水冷冷聲遶扉淒清中夜蛟龍啼空廬獨抱明月臥高天颯動霜華飛提攜神物無人覺何來白虹常在握鋒芒衛霍耀天山精靈荊蘇傾河嶽結客紛紛向五陵呼盧博采且浮沉寧輸百萬留三尺懸在腰間酬寸心鸛鵲新淬光如雪照見人間不平事玉玦金銀日日照匣中一翁明珠淚巖城吹角秋夜清風

夢月肅降雞鳴墀衣起舞欲拔劍無乃歲久青苔生莫牙空老無人齒世
人共寶鉛刀耳幕南塞北行路難酬恩報怨竟誰是淪落沉埋一刪綴耻
將彈鋏動諸侯豐城不掩干霄氣越石何嗟

東覽篇

出門鮮徒侶看山過東越身披荷芰衣來渡琅玕筏會稽之郡藏雲中海
嶽靈區第幾峯千巖萬壑望不盡一一秀出青芙蓉溪流漱石噴晴雪山
水清音相映發林間吹落蘭亭風松下飛來鏡湖月石暗花迷失去津禽
魚鳥獸能相親崢泓蕭瑟不可測此中疑有箕山人蒼髮爲棟雲爲幕萬
穴幽竒可棲託絕壁巉岬嘯夜猿逍遙夢見騎黃鶴清晝睎髮變高臺風
吹飛花去復來旭日如珠走滄海赤霞爲駕驅天台方丈蓬萊今可至居
然便有凌雲思金宮銀闕何必求一丘一壑隨吾志君不見東山高臥支
許從桓廬玄言若可終又不見芳辰褱褱臨清池茂林脩竹堪忘飢謝公
勉爲蒼生出十年閒却登山屐右軍自失王藍田嵒來誓墓意惘然二賢
信是人中龍霖雨當時仰望同考槃一室已千載至今林下生清風偶然
得失未忘念令人却羨雙冥鴻

寒食限韻作

閭閻風土不禁火綠水城邊黑
舸屢逢疏踴踏花茵時見鞦韆亂雲染
金道點點步底生鶯鶯彩彩纏頭驪越女
曾爲吳館娃周郎只合留江左
前溪桃樹隔垂楊
芳艸紅妝隱青瑣

楓橋與送考別

楓橋秋水綠無涯
楓葉滿樹紅於花
萬里之行纔十里
閭閻城頭尚堪指
遊子尊前淚濕衣
離心已逐片帆飛
酒酣不識身爲客
意欲元同送者歸

揚州春眺卽事

紫萸村邊楊子灘
黃公墟頭使者關
舟楫遠通淮
北水樓臺近見江南山
高岡百尺臨官渡
浮煙不盡斜陽暮
前朝楊柳幾株存
寒鴉飛盡蕪城路

客堂秋夕

高梧百尺入雲涼
清水一池生月光
秋夜初長客不寐
坐聽砧聲思故鄉
明河展轉天欲曙
寒蟬唧唧猶自語
擊衣起爲故鄉書
明日關河雁南去

新豐主人

新豐主人邯鄲婦
依然賣酒三河口
芬芳爲藥氣如蘭
嫩葡萄綠於柳

東風日日飛輕塵遊子年年只問津遲迴立馬門前客曾是壩頭醉臥人

春日游西苑

宣室臨西苑靈臺對籍田宮營迷綠雨廐馬飲清川柳引金堤直松含玉殿間先皇受釐處寂寞鎖春煙

大明門春望

太和盈宇宙燁燁徧光華美飛都人綺芳菲輦道沙紫駟銜禁草黃鳥臥宮花一望千重殿常生五色霞

子夜

花柳發韶年妝成子夜妍弄簫成豔曲調瑟豈哀絃翡翠巢金埤鴛鴦撲錦纏不將銀燭滅看取玉人憐

湖上婦

野寺垂楊外湖陂亂葦間翠合千樹雨青露一痕山果熟喧童口桑稊碍女鬟漁舟小如葉載我洞庭還

潞河中秋初度

壬申

桂影青天滿桑乾白水斜公車不待詔客舍祇思家報主雌雄劍謀生子

母瓜去年今夜酒吳市聽琵琶

長安春望

芝房桂殿暮氤氳漢歸來知鷺群月出脩眉懸碧樹露華高掌拂朱雲
宮鶯入柳飛難見廐馬迷花嘶不聞雲說宸遊多廢藻遠臣唯有誦橫汾
西苑

曲房宣室自逶迤聖主中宵正受釐湛露曉凝千片玉甘泉春長九莖芝
鳥栖御宿啼偏早花近朝陽落故遲自識萬機宵旰切望仙臺下草離
紫居

自憐多病強加餐里巷浮湛罷據鞍懷舊十年蓬鬢改傷春三月落花寒
志酬投筆元非易事到持杯便不難敢請閉門深避世亦知門外有波瀾
戲簡幼元

處無善策出無才待罪行間事事乖
婦人春色真如酒悅世禽言總是詩
唐觀察招飲共尚書園亭

名園樓閣散春晴飛蓋初停黃鳥鳴
石爲山開綠野鑿池引水接滄瀛

露花靚女臨妝色風簾尚卷度履聲獨訝主人渾不見翻令過客易含情

西湖卽事二首

十里長堤柳色新六橋凝碧水潏潏桃花似妬青樓女楊柳如思白舍人
鶯語風前猶自澀山容雨後尚含顰武陵花日通來往不向漁郎數問津

錢塘蘇小茜羅衣短棹穿花過釣磯望帝聲中怨離別夢兒亭下惜芳菲
微風吹藻鱗鱗浪落日銜山樹樹暉最是碧雲隨處合美人乘興夜忘歸

越溪逢袁生飲

范蠡湖邊一棹回偶逢袁紹最深杯浮萍散雨涼風至高樹排雲明月來
浮白且謀今夜醉樓烏不問故宮哀相將共選溪頭石乍可披裘作釣臺

江上遇蔡都尉

同是窮途歎數奇賜冠凋敝不勝悲孤蓬夜雨天涯淚老驥秋風塞外思
去國一身渾似夢歸家雙鬢各成絲長安記得相逢日正是桃花飲馬時

贈建平潘子會

潘郎星鬢尚朱顏爲卜郊居已賦閒爾汝孔融多綠酒比鄰謝朓有青山
濯纓水上遊魚過高枕花間宿鳥還敢向宦途論巧拙清時唯有閉柴關

靈谷寺

十里長松入杳冥殿前功德水泠泠氣因定幽千林紫山託傳燈萬古青
群鹿避人過隧道寒花迎客媚空庭草堂舊帳今餘幾笑誦相聞舊勒銘
長安逢塞上班師友人有作漫和

盛秋胡騎若雲屯奏捷飛書入雁門浪說單于刑白馬難稱公主嫁烏孫
班師節鉞歸三殿欵塞旌旗過五原幕府獻功方飲至撰成鏡曲侑金樽

西苑宮詞二十四首有序

夫古之帝王登封降禪類帝禋宗詩書之所稱述者未墜於地恭惟世
廟中葉端居西齋宮者垂三十年良由睿智天縱妙應萬幾時適又安休
徵協瑞日夕望祀蓬萊受釐宣室莫非祈禱長生願言久治益不出九重
之內能福億兆蒼生豈秦皇漢武梯山航海騁慾以罷民哉草莽遠臣頻
遊都邑聞之客座煥焉可紀乃撰西苑宮詞若干首雖未嘗與聞閔宮之
玄妙庶幾不誣閭閻之頌說而已

肅將上帝祀明堂寶鼎昭回日月光九獻不須歌舊曲詞臣昨已撰芝房
秋殿清齋正受釐迎和門外立諸姬大官不進麒麟脯御饌唯供五色芝

陳韻璫玉奏鈞天西苑宮牆近籍田水旱恐煩祠后土未央深處好新年
宮女如花海濱場時聞雜佩響琳琅玉龍螭釧擎仙表金鳳鈞鞋踏斗罡
鳳閣傳呼輒鑰開中官齋捧御題來直廡夜照青藜火銀筆如椽徹曉裁
方檢分符百道飛四時禋類萬靈歸休微勒石盈青壁瑞應成圖進紫微
一株沉水萬金裝篆刻蛟龍縷鳳凰工巧敢言欺上帝精誠唯許格君王
夕烽千里照甘泉一紙降魔敕已傳急造六丁乘羽駕火輪金甲淨幽燕
靈藥金壺百和珍仙家玉液字長春朱衣擎出高玄殿先賜分宜白髮臣
寶錄金籤燦几筵子雲正是草玄年石渠天祿如林士同校宣和道藏編
千雲裘擁五雷冠祈雪宵開太乙壇符鶴未回金闕靜燭龍猶照玉宸集
金壺漏水響丁丁直宿官娥坐月明潛聽象牀龍睡穩玉階低演步虛聲
通天臺上接三台景命重臨清醮開拜舞不同郊社禮科儀一一聖人裁
香臺紫氣鶴精空靈貺神休集聖躬垂拱萬年如一日禮臣何必議青宮
內宮新製玉清符獨賜親臣道允孚何事官家頻顧問寧公冠上戴曾無
真人方術鬼神愁出入金鑾駕玉蚪齊北少翁曾賜爵膠東藥大已封侯
金符寶笈護雲英鸞鶴銜將入上清拜受玉霄龍鳳簡元陽象一字分明

聖朝臣庶治世哀慟哭非時祗自傷竟日天威無霽色容城年少有封章
仙真異迹豈無因海嶽靈區合有人夜殿焚香親製草詰朝分遣內臺臣
蓬萊方丈可梯航勾漏丹砂近寄將昨鑄銀山高幾許試持玉尺殿中量
瑞氣祥雲薄海濱遠藩齊獻百千春進來白鹿高於馬馴授金階不畏人
頌美揚休錦繡香栢黃新帕蓋青箱內中書法人間別寄字能兼教字良
君王常在集靈臺正殿威蕤鎖翠苔縱是明良不相見處廷庶事轉康哉
方士如雲泛海槎采真元不爲丹砂萬金煉就壺中藥愁殺仙人夢綠華

明妃

白龍堆裏塞雪昏黃鶴歌殘馬上論自恨良家克內選也同公主嫁烏孫
飛燕

三千宮女廢昭臺飛燕雄心尚忌猜乍報殿成名合德悔教小妹入宮來
春日花下飲

春風青鬢未成絲放浪江湖只憑卮二十年來真落魄不曾醒眼看花枝
廣陵逢陳郎

竹枝歌罷說離情草綠揚州水上城憶汝伯逢顏色似杏花開處不曾行

題桃花扇

碧桃樹底醉流霞記得當年翠袖遮今日漂零歇扇在令人腸斷故園花

阻風

西風吹浪不能平又阻歸舟一日程正是開河愁絕處柳條無數作秋聲

李千戶元昭

元昭字用晦杭州人世襲千戶棄去不就與童侍御南衡方職方十洲輩結社西湖其詩皆明農習隱之言又好鍊丹服食自詭能度世所居曰峴巖山房詞客過者多爲詩吊之

新昌道峰呂山人夜携魚酒過訪丘中因有此作

日入林樾晦乳犬吠簷隙下榻蒸蘭膏邂逅滄浪客菰條貫溪魴瓦瓶挈村醪傲睨不作禮蒼霞飄短掖班坐肆吟笑河漢倚寒席墟落交廣風松篁自相風優游塵外懷乘此杯中適第覺五情爽冥然會玄默

送周虛巖歸吳門

返棹歲將晏離亭酒亦深島雲寒沒影江日凍生陰莫惜飄蓬跡應傷折柳心丘中誰共調徒自理鳴琴

春雨閒居

簾幙陰將放，閒書潤未收。水埋高渚，春雲透遠峰。頭綠重，草花紅。煙花
態，愁閒居。對妻子，燕笑撫茶甌。

結襪子

世態人情薄如紙，平原倏忽風波起。那知筵上絕纓客，區馬橫戈爲君死。
山中秋夜

萬壑秋潭靜，千岩夜色新。山中花作妓，海上月爲賓。酒泛丹丘桂，英傳碧
澗尊。暖雲凝石榻，高臥傍南宸。

過吳判官村居

殘虹明遠浦，片雨洗平疇。戶敞從雲度，階空任水流。醉因花影勸，歡爲鳥
聲留。日暮渾忘返，高眠傍斗牛。

樓卧寄濱上人

肥遯偏宜林壑幽，夢魂常在閨風遊。白生牕裡星河曉，紅落階前木葉秋。
僕懶祇堪操藥竈，兒閒時得薦茶甌。浮雲不薄清虛客，終日相從臥石樓。

張參將如蘭

如蘭字德澤南京羽林衛世襲指揮使中武舉第一人官至淮徐漕運參
將以子可大功贈特進榮祿大夫右都督博極群書諳古今事如指諸掌
凡陪京大利弊興革靡不條議見諸用督漕治河所至有聲跡好學勵行
動準古人人倣爲杜元凱羊叔子之流有文章兵法譜十卷詩文集三十
卷可大以大帥死節自有集次子文寺有才名集錄明詩別裁風雅於余
之采詩有助焉

淮陰祠二首

劍鏑模糊洗血痕頽垣如見舊精魂誰知家廓無雙士猶自徘徊一飯恩
咳唾河山歸赤帝解推衣食誤王孫吁嗟此意空千古淮水淒涼白日昏
天心草草用英雄把釣應難比夢熊宰肉有謀偏躡足分英可忍況藏弓
謀臣無計留高鳥猛士空勞咏大風荆徹徃狂樂布少何人哭向未央宮

過管夷吾三歸臺

微管勲名肯草萊齊原東望起高臺當時直向前車死此地應須左袵來
九合既能扶日轂三歸何礙倚雲堆有人衰草長堤下幾度西風感歎迴

吳門夜泊

夜暗歸雲繞柁牙江涵星影雁回沙行人悵望蘇臺柳曾與吳王掃落花

步虛詞天妃宮作

春入仙宮放點桃月華一點映初潮夜中斗柄方移轉雲外仙童弄玉簫
張都督可大

可大字觀甫餘姚知簡之子幼警敏善騎射讀諸家兵法有立功萬里之志萬曆辛丑舉武進士受知於肅宗伯雲舉歷官都司參遊晉寧紹副總兵所至敬禮賢士大夫投壺雅歌咸以爲伶戚再見奉勅以右都督鎮守山東率師勤王解圍都城先帝嘉歎領專敕平島帥劉興治內移爲南左正已得代聞兵亂端登州爲戰守計值登陷衣冠登城樓北向拜手刃二妾壁端題某年月日登萊總兵官張可大死王難處遂投縶事聞贈太子少傅子祭葬立祠名旌忠謚莊節生平孝友淳重博學好古與時賢相贈答皆海內通人勝流有駁雪堂諸集益古之儒將而以忠烈特開尤足重也

書遼事四首

無端小草出登壇壯士徒歌易水寒枉把全師輕一擲遂將宿將盡三韓

腐儒誤國由房琯野老吞聲恨賀蘭豈是胡人開殺運祇以中國自摧殘
去年此日戰渾河敗北頻仍感境多未見北塵先解甲若逢胡騎便投戈
出關已絕生還夢應募惟聞浪死歌一自上都重失後人心海潮奈如何
未得君王丈二笏人人能說場中防邊誰上方城界等國會無平準書
四出徵兵飛赤白再言加賦算餉徠東夷未靖中原動只恐殷紂祭易除
邊臣失計歎呼延遼左於今困右賢招討使承斬馬劍從征軍賜大官錢
神京未可稱高枕孤塞應須策萬全將相共和文武濟勿令烽火照甘泉

泛海

到處啼鶯倚棹歌客懷偏向布帆多黃雲飛盡天如洗
鰲背山前萬頃波

童書賈翫

佩字子鳴一字少瑜龍游人從其父以粥書爲業往來吳越間少不能從
師塾從其父挾策問字輒能通曉意義買一舫不能直項帆檣下皆貯書
讀之窮日夜不休已而能爲詩清俊可誦嘗游崑山執經于歸太僕樊某
往錫山寓舍太僕爲贈序道其依依問學之意久之詩益有聲又善攷證
書畫金石彝敦之屬太保朱忠信與其兄恭靖王遣人邀至京師愛而欲

客之一夕。野去弗顧。曾與高淳韓邦憲定交。逆旅邦憲守備。過其家。龍丘
山塢中。序布衣兄弟之誼。太守下教邑。綱紀龍丘。逸民前其後。珮其綽綽。
擗左間以風。在野子鳴。固辭請爲祠。以祀龍丘先生。邦憲卒于官。徒步送
其喪。踰嶺病。憊夢太守邀與並駕。以婚嫁未畢。辭不可。病寢劇。而卒。年五
十四。子鳴。藏書萬卷。皆手自勛。雖面竣削骨立。語呻吟。不出口。篤于交。宜
有所期。雖千里不爽。薄田數十畝。割其租以創村塾。俗三男一女。相羨粟
以給。舉女者其制行士大夫弗逮也。余竊取子厚更商之義。題之曰書。貴
云王伯穀曰。子鳴詩皆性靈。讀之蕭蕭有雲氣。往歲游燕山。燕山詞客如
雲所至。必分曹命簡。聽漏盡燭爭晷刻之捷。子鳴方危坐匡床。目睜不出
聲。比誦一篇。風調塵絕。群客氣色沮喪。子鳴退然不敢當。性喜開戶。必妻
易而後出。出則使人彈射。往往未愜。并其羹削之。不存一字。存者又漫置
床頭。魚蠹鼠啮之畧盡。以是所存益無幾也。今所存童子鳴集。有詩四卷。
文二卷。子鳴師歸太僕。得其指授。王元美爲子鳴作傳。詳叙其生平。師友
不及太僕伯穀之志。亦然太僕之問學。非時賢所知。亦可見矣。

秋風起白露垂天涯客子夜索衣篋中惟有江南草一片銀絲萬行淚借
是前年暮春寄寄時不爲秋思寒此夜却同秋月看

人日病

下帷巾櫛廢人日病匡牀逆旅春難到山城日自長問年尋舊曆暴藥製
新囊却怪梅花訊無端發路旁

夜過黃一之叅中

徵君家陋巷細素對匡牀門外半城月鄰家幾樹霜留寒臥壁竹影瘦
過牆不以貧爲累高歌自慨慷

賦得鋤井送湯憲副

寶鋤曾留此千年尚有名星辰片雲識風雨半江生鍊想古人跡功知烈
士成張華在當路寧使久延平

上巳日登居對雨懷管建初

門外無游女匡牀祇自憐家園逢上巳客路類前年風雨花枝上山川笠
子邊因懷京洛士誰送水衡錢

千山平遠臺

無諸行樂後，黛色屬禪宮。不藉空王力，何知伯者功。高城隔海氣，古木雜山風。未到人先說，金鑿萬井中。

除夕

閉門寒滿榻，長鉢共蕭然。數口客千里，一家人南天。歲華流水上，心事暮鐘前。誰謂春風近，三更是隔年。

送盛朝用讀書方山

靈巖華陽竝松杉，遠世氛縈多前代。草香是隔山雲花氣，惟春談書聲祇。暇閒傳經君獨往，弟子候河汾。

題王伯穀半偈菴

石牀當几席，香氣入花枝。偈學高僧課，人將大士師。禽聲隔樹好，日影過牆遲。却怪時名滿，文直漢主知。

善卷洞

小洞玉淙淙，琳瑯石幾重。花枝自流出，芒屨覓無蹤。怪氣時衝壁，泉聲或亂鐘。人言風雨日，咫尺有蛟龍。

大姚寺

友言集卷一
江國何年剝村人說大姚波濤學孤島棟宇似南朝水關島巢少天寒祇
樹獨客來黃葉裡風色共蕭蕭

感懷

兵火東南暗隨人泣路歧有家千里外多病一身危寒氣生殘夜西風凋
弊衣休論啼帶血雙鬢幾莖絲

過顧徵士陽山別業

繡壁盤空下春深花氣寒瓊瑤學島嶼雪秀走岡巒賦向青山課琴隨流
水彈還因畏塵染自剪獮爲冠

夏日避兵西山有感

家國遭多難干戈道路將深山獨流落長夏亦淒涼飯拾空林橡炊依廢
寺香時愁對虎到落日掩門荒

重過顧氏別業

雲重泉仍急陰濃池覺深閒禽知舊客啼樹悅初心鐘度生山月風過墮
竹林偶因流水思一試抱來琴

碧雲寺

障子學芙蓉僧歸雲幾重西來留白馬東去拱蒼龍松鎖千林翠山藏滿
寺鐘却嫌香積水流出世人逢

送何子壽赴蘄遼幕中

長游歌激烈不問歲華非七首雪花落馬頭霜華飛星隨渡河客秋滿山
關衣歇節春風裡知君草檄歸

大慧寺

寺裡藏雲氣丹青引客過春山一牆隔啼鳥六時多列石成巖穴閉門生
靜藹逃禪恰宜此歸奈馬蹄何

夜渡湘水

片篙乘夜渡貪涉此山川水自三湘合雲知七澤連蛩聲暗秋色雁語雜
寒烟莫問黃陵廟門前斷客船

觀音巖贈僧

問道祝融東逢僧是遠公林間孤殿破石下半潭空雲影戀苔綠山光借
樹紅翻經對靈鷲日日鳥聲中

雪中早渡錢塘

江上衝寒發傷心歲事凋亂山三面雪孤棹五更潮來往換新髮寒暄老
黑貂誰云到家近翻使旅魂消

溪行二首

川原呈伎倆窮窅閭春晴溪轉日頻換窗中山自生牙橋增水麗霞氣壓
船輕小鳥何爲者無端是處鳴
古諺船胥口無風亦自行雲來山覺潤魚見水知清烏石閣誰鑿桐君廬
幾盪襄陽少舊舊誰爲續圖經

贈藥山人

衣裾水染心狂游寧復計迷津他鄉作客花爲伴午夜長歌月是鄰
自有青山囊裡賣何妨白髮旅中新新詩莫說無人繼爲報藍田兆已真
寄陸子和博士

樹裡看雲遠更濃與君只隔幾山松論交未卽眉開色識面難將病後容
春蠶黃鸝啼處處雨深青嶂濕重重陸機孫楚官相似倘肯來尋石竹蹤
懷譚思重太常

東望相思淚欲流尺書緘就寄無由詩當窮巷何人采紫竹殘篇只自憐

一片青山寒屋上，半村紅杏老枝頭。
五湖城外陶家柳，雨後新巢幾個鳩。

荅錢山人惟實

論交不是路歧情，青眼爭隨楊柳生。
故國年華花一樹，貧家尊俎酒三行。
石邊流水原無味，門外青山豈必名。
却恐君歸近城郭，餘將詩句落公卿。

寄秦汝立

思君無那路重重，何處山形是九龍。
蔣詡門前三逕竹，陶潛宅裡一株松。
汲泉釀酒添新甕，留客裁詩入暮鐘。
今夜關干挂春月，清光可似別時濃。

積雨

塢中積雨蘚痕青，門外流泉枕上聽。
漢客年華消渴病，越人生意養魚經。
居山已識龍蛇氣，灌藥聊資水石形。
更喜濕雲能悟道，林間夜護少微星。

無題

紅蠟吹風冷洞房，絳綃渾滅舊時香。
堦前細雨愁千縷，帳裡梅花瘦半牀。
身入黃昏同朔漠，魂疑咫尺近瀟湘。
尊前怕檢高唐賦，眼底無人是楚王。

雨中還家與兄夜話

作客歸來水滿囊，謝家生事轉淒涼。
紫荊樹樹都含雨，青髮人人半染霜。

異代狹邪逢處少他鄉山水過來忘庭前獨賴蘭荃草花氣雖微較自香

惠山寺再送王伯穀

祖席重開酒近泉驪駒再唱侶爲仙攀將柳色青前度挹取山光綠隔年
滿路水消春在水半池雲淨日當天無論溪上東風好旅客相看意惘然

宿上封寺南岳

上封林處磴千盤爲訝高雲礙竹冠晴氣滿空還似雨秋光未半忽生寒
客來石上占星聚僧住巖前作鳥看一榻偶然金磬側誰將銀漢挂關干
顧懋儉約看青墩荷花不得往

程伯陽

群玉峰西一片霞游人爲說是蓮花可憐不得同船采今夜秋江月自華
王寅曰師道家貧賣藥自給詩多漫興而沈思者自入法評懷許仙則風
韻幽閒過雄路則意象悲壯惜哉混迹塵市故其詩道未光

園居

籬落帶疎林園居一徑深隔隣分果樹傍戶埽花陰不賣成都卜長爲梁
父吟翻嫌桔槔者抱甕百年心

過南山懷許宣平

仙人去已久我來經南山丹竈今已沒白雲長自閒風吹桂枝綠雨落桃花斑空傳負薪句沽酒何時還

都門逢族人

白髮都門道相逢意自親卽傾竹葉酒共醉楊花春漂泊任孤旅疎狂異衆人還思汊口上歸去好垂綸

過雄路

孤村兵火後小店閉斜照斷鏃人猶拾陰磷鬼自焚寒花猶笑日倦馬故嘶雲野老逢相問停鞭不忍開

孫友龍

王寅曰伯諧好神仙山居獨行洞簫在佩不顧俗誚飄然自怡故其詩任性放吟嬾于祖述間有合作便超凡情若行看水流去坐期雲飛還我家老梅花開到第幾樹行人欲問前朝事翁仲無言對夕陽皆稱佳句

避喧

避喧苦城市習靜愛溪山行看水流去坐期雲飛還援琴發真趣乘藥延

顏顏終歲無車馬孤吟常閉關

逢鄉人

爾從山中來今喜江上遇我家老梅花開到第幾樹

過程學士墓

野水空山拜墓堂松風濕翠洒衣裳行人欲問前朝事翁仲無言對夕陽

袁卜士景休

景休字孟逸吳人讀經史喜爲歌詩芒屨竹笠徧游吳越山川歸而受一廛于吳市以賣卜終老劉子威以海內文章自負吳人推服之無敢後景休每向人挾搯其字句鈎棘文義紕繆者以爲姍笑子威聞之大怒訴之于郡尉攝而笞之尉數之曰若敢復姍笑劉侍御文章耶景休仰而對曰民寧更受笞數十不能改口者舌妄誕劉侍御也尉笑而遣之吳人用是益嗤子威而逸死無子夫嬾寄棺于法水寺之旁上雨旁風暴露者十年林若撫草疏告哀莫有應者闔人林古度寓法水寺吊而悲之取一摺扇西兩棺貯敗室中極荒涼慘淡之狀而題詩其上曰兩柩荒荒牆壁存雨淋日炙慘顏垣君平善卜自不料伯道無兒誰與言倘使詩篇埋白骨猶

憑風雨閣黃昏何時墓上真行殯千古山松共姓袁以扇授僧牧菴俾爲
募葬新安程月樵見而慨然出錢以庀窆窆乃得葬于袁氏祖山而古度
書其碣景休爲詩多口誦不屬草其于吳門詩人多所嗤點而獨好林若
撫今其遺詩二百餘首皆若撫口授也

送沈嘉則遊中原兼訪戚將軍

中原此去欲如何把酒聞君慷慨歌道上霜寒逢白雁馬前木落見黃河
五陵烟雨秋難盡三輔風雲氣尚多記得少年曾學劍壯心猶自憶廉頗

唐瞽者汝詢

汝詢字仲言雲間人五歲而瞽父兄抱膝上授以三百篇及唐詩無不成
誦旁通經史能爲諸体詩箋注唐詩援据該博亦近代一異人也嘗過余
山中酒間誦子虛上林諸賦杜白諸長篇鏘金戛玉琅琅不遺一字留校
杜詩時有新義如解溝壑疎放之句云出於何秀賦稽志遠而疎吕心放
而曠亦前人所未及也仲言之兄汝謬篤嗜王李之學仲言童而習之故
其于詩未能超詣蓋亦雲間流派如此

夜別陸長倩得青字

恨別高樓酒易醒
坐聞落葉滿沙汀
春來倘憶同遊地
無限垂楊夢裡青

折楊柳

昔攀垂柳唱陽關
柳復垂絲君未還
惟有楊花易飄蕩
隨風吹得到陰山

顧公子斗英

斗英字仲韓上海人少有雋才磊落不羈窮服饌娛聲色選伎徵歌座客常滿日費萬錢不恤每出輒載與俱舫旅栖盆卉圖書古尊鼎畢具竟以此傾父貲鬱鬱貧病以死仲韓初與華亭莫廷韓皆秦川貴公子風流文彩人稱雲間二韓廷韓詩名滿天下而仲韓勵有傳者晉江黃居中錄而存之士之身後名亦有遇不過如是可歎也仲韓詩如樹翻先客醉山欲借煙青苔青山作黛沙白水爲衣窗暗則花雨池酣纖柳烟山從斷處教雲補橋向欹來仗石扶欲延月意窗從破恐碍荷香麝罷焚白髮憐人首亦滿青蚨問我剩還無諸聯皆新警秀發使入廷韓集中得其一二便堪壓卷

花間有贈

十五

新蛾紗窗乍學歌
纖腰微約素美珠
暗迴波週賞春愁
少逢歡夜

態多名花非不艷辭語奈卿何

殘柳如新柳

西風蕭瑟柳條輕翻似依依乍向城看去尚含南浦恨折來俱是故園情
楓林鮮點桃花色杜宇能爲黃鳥聲留得舊時餘影在秋江一路月扶行

秦淮小姬

一片春山乍學描纏頭初試紫霞綃章臺無數青青柳最惹東風是嫩條
嵇公子元夫

元夫字長卿吳興人少起貴介放跡不羈爲鄉曲所中坐法下獄既釋厚
自濯勵苦心爲詩有白鶴圖集都門送新鄭一篇感激磊落翩翩然俠氣
在目也

立秋日盧溝送新鄭少師相公

單車去國路悠悠綠樹鳴蟬又早秋燕市傷心供帳薄鳳城回首算雲浮
徒聞後騎宣乘傳不見群公疏請簪三載布衣門下客送君垂淚過盧溝
新鄭乘牛車去國次日乃有乘驛後命故詩記之

刈稻夜歸

西莊刈稻夜半歸明月皎皎當柴扉
聲隔岸人語近斗柄插江霜氣微
木葉蕭蕭覆林屋蘆花茫茫藏釣磯
兒童村南酒家去野夫獨立風吹衣
費秀才元祿

元祿字無學鉛山人南太僕卿堯年之子也費爲故相家又貴公子而無
學折節讀書爲歌詩落筆數千言蘊義生風傾慕賢士大夫如恐不及刻
甲秀園集傳以好賄問遺海內名士輪蹄舟楫交錯吳會閩楚間史稱鄭
莊置驛殆無以過屠長卿報詩云相思累寄聲無草見面難于優鉢花其
重如此余爲書生時無學致束脩之問數郵書相聞居數年無學以病
廢且死猶以不得東下相就爲恨可念也太僕病革人冥見馮祭酒開之
主東嶽舉以自代無學卒亦有異夢如李長吉白玉樓事江右人能道之
金陵詠懷古蹟四首

含章殿

烟沉弱柳隔暗沙窈窕香臺憶主家
綺樹遊絲留曉色瑤窗粉蝶戀清華
鏡邊月暈連城壁陌上塵埋七寶車
點額新妝招不起黃鸝銜出舊時花
善泉池 一名九曲池 昭明太子所鑿

滄池漉流鑿昭明前代風烟九曲
沙環見渚邀垂釣花積魚牀隱濯纓客
辭何勞歌桂樹就中山水自忘情

勞勞亭

八月金陵天氣涼勞勞亭畔雨花香
誰家別淚霑紅粉幾處秋風起白楊
沽酒城邊頻繫馬聞歌道上總思鄉
古今無恙東流水多少行人爲斷腸

新亭

過江形勝感宗臣暇日登臨似維濱
風景淒涼空舉目神州凋敝屬何人
棠花自發青蕪香燕子初啼白屋貧
况是經過王謝宅不堪衰草更沾巾

林秀才世璧

世璧字天瑞閩人尚書康懿公之家孫也
生而善病高才倣世醉後揮酒
千言立就嘗游鼓山賦詩云眼前滄海小
衣上白雲多鼓掌狂笑失足墮
厓而死年三十六有彤雲集六卷

搗衣篇

西風白晝已漫漫玉露淒清玉漏殘
冰簟銀床秋弄色翠幃羅幙夜生寒
年年秋夜何蕭索幾度芙蓉楚江落
聞閨佳人慙扇悲關山戍客征衣薄

閨閣關山片月明相思不盡攆衣情欲知此夕淒涼思請聽終宵斷續聲
淒涼斷續愁將算爲捲珠簾散香霧翡翠樓邊旅雁過鴛鴦沼上流螢度
流螢旅雁爲誰飛飛去飛來淚滿衣政惜紅顏凋寶鏡還將清夢繞金微
金微白雪三千里寶鏡空懸照秋水啼鳥飛花怨管絃青苔綠蘚生羅綺
羅綺絃歌他自愁春來秋去幾時休盈盈巫峽悲雲雨皎皎星河見女牛
星河巫峽傷心絕天上人間有時別寶幢空浮蘇合香羅衣尚掩同心結
此時憔悴令人嗟摘盡秋霜木槿花擣得寒衣向西寄不知何日到龍沙

秋雲篇贈別郭東臯

雲氣亘四時未覺繁懷抱如何緩及秋黯黯滿蒼昊梧桐一葉從風起蕭
颯秋聲已盈耳秋雲片片更堪憐遙逐秋風度秋水秋風偏促愁懷惡世
情況比秋雲薄人生踪跡本難期還與秋雲共飄泊與君相別動經秋握
手俄驚大火流誰知楚澤寒蘿日復軫青門折柳愁此時惆悵看秋雲一
帶秋山送落暉別後懸悲秋月裏數聲秋雁不堪聞

折楊柳

偷寒年年別蘭闌空復春東風不相識楊柳滿河濱弄色黃金嫩飄花白

望新折來雙淚落遺寄玉關人

秋宮詞

昭天涼月湛悠悠
獨上高樓望女牛
昨夜西風何處起
宮中無樹不知秋

林舉人章

章字初文福清人七歲能詩塾師試鵝群羊應聲而就落句云曾從北海
風霜裏伴過蘇卿十九年又題韓文公像云默立藍關雪回看秦嶺雲非
子爲不進步步戀明君塾師歎曰此子他日必忠而苦節者也世宗末
倭寇犯閩年十三上書督府求自試行間萬曆元年以春秋舉于鄉累上
書第嘗走塞上從戚大將軍游座上作灤陽宴別序酒未三巡詩序並就
將軍持千金爲壽綠手散去挈家僑寓金陵性好公正發憤南曹曲法斷
漣陽之獄奮臂直之坐繫金陵獄三年出獄旅燕京十年關白之亂兩上
書請出海上用奇兵勦賊報聞而已戊戌己亥間礦稅四出逮繫相望初
文請大工軍興縣官仰屋不當以空言聒譟徒激明主之禍抗疏請止礦
稅兼陳立兵行鹽之策上感動下內閣票擬舉行四明相承中人拊膺其
事竊揭請建治望闕長歎憤懣撫膺卽日下獄暴病而死天下惜之初文

為人經術非元抗志經濟謂天下事數着可了而功名富貴可以契戾致
航驪忤俗動與禍會約畧似南宋陳同甫葉適有言使同甫晚不登進士
第則亦爲狼疾人而已矣豈不然哉初文二子君遷古度皆能詩古度與
余好居金陵市中家徒四壁架上多謝臯羽鄭所南殘書婆娑撫玩流涕
漬濕亦初文之遺忠也古度屬鄉人徐興公爲初文立傳而曹能始叙其
詩皆傳于世能始拈初文佳句如客情似春草無處不堪生春風與柳樹
年年是故人無家逢寺好多病見僧親春好年年晚月寒夜夜秋皆酸楚
寥落可詠可傳吾謂閩中詩派宗子羽而禰善夫以撫倣嗣襲爲能事初
文才情跌宕於唐人格律時欲跳而去之要能不爲閩派所羈縻可謂傑
出者也其詩蛾眉篇最著在晉安風雅中不具錄

秋閨二首

秋月何娟娟一輪冰鏡冷人心照不見照見人孤影
秋雨何瀟瀟五更滴紅葉滴滴葉間紅可以比啼頰

秋思四首

不知秋何如明月照人寢上照鳳凰葉下照鴛鴦枕

不知秋何如朝雲一片白半是巫山魂半是湘江魄
不知秋何如花開盡清絕蘋花白於脂蓼花紅於血
不知秋何如鳴蜩先解意長聲擣衣篇短聲織錦字

少年行

君不見長安俠少年酒底高歌花底眠聞雞走馬千金散何曾盜个官家
錢一朝忽報邊烽起從軍不待別妻子但言割地與和親不愁戰死愁羞死

姊妹行

與姊別時啼頭比姊自低幾年不見姊眉與姊夫齊春蘭秋菊各芳澤花
蚤花遲總堪惜生憎一對似花人惱殺十年花下客花時能幾何客恨不
勝多翻作相思樹纏絲復繞羅鴛鴦宿海底好夢落風波空有青衫淚雙
彈回翠蛾寂寂楊花塢迢迢桃葉渡長江南北頭總是相思路新人本非
新故人應是故只道相憐親上親那識相思苦中苦憶故如望月望圓復
愁缺情新若轉絃一轉一纏綿纏綿復纏綿見妹如姊面年年春風時那
作雙飛燕姊應山上采藤蕪妹莫尊前唱鷓鴣昨日書來無別話爲儂珍
重大姨夫

白雲觀秋夜

俯仰成何事浮沉寄此身無家逢寺好多病見僧親夜久霜欺客庭空月
礙人西風數相過不埽化衣塵

春日送別

春風自多思奈與客情違揚柳頻催別靡蕪不送歸千山歎上馬一曲兩
沾衣回首河橋道迢迢看落暉

居庸關見阻示同行

怪得關前逐客頻匈奴早晚欲和親無繻應不空還漢有舌何須定說秦
雨氣千峰營幕曉梨花三月塞門春憑君斗酒城頭話猶勝新豐店裏人

昇春登燕子磯懷古

楊子江南燕子磯楊花燕子一時飛六朝人物空流水兩晉山川盡落暉
草色遠迷瓜步去潮聲暗打石頭歸倚闌天際春三月惆悵東風動客衣

登黃鶴樓作

余被趙氏之寃幸脫禍生之禍因感二子過此吊之嗟乎今世不可知矣
千載之下亦復有吊屈章者乎

望裏山川是楚鄉。美人何處水茫茫。愁衡作客留江夏。越壺辭家出漢陽。
鶴去未知芳草暗。雁來先覺白雲涼。倚樓無限西風意。堪與千秋一斷腸。

酒舍

墟頭竹葉千杯有。窮底桃花四月無。且放歌聲滿天地。莫開醒眼向江湖。
南人不復憐鸚鵡。北客何須恨鷓鴣。芳草斜陽看不盡。春明門外獨躊躇。

吳門秋日送族人南還

百花洲畔木蘭船。杯酒西風思黯然。客似長卿遊已倦。人如小謝別堪憐。
江城暮色初回月。野樹秋聲盡入蟬。明日姑蘇臺上望。片帆落處是南天。

潯山送友還閩

草草相逢楚澤西。紅亭綠酒又分携。人生底事憐雞肋。客路長教怨馬蹄。
舒子州前桮棹暗。越王城裏荔枝齊。十年歸夢如流水。一夜隨君下建溪。

都下送林容江文學南還

春明門外半離亭。風雨時時送客經。十載故人應是夢。一尊別酒不堪醒。
失江向楚茫茫綠。漢草連胡黯黯青。愁滿關山歸未得。天涯何處并雲停。

夜度恆道關

楚水東邊別路多秋風夜半動離歌迢迢恨遠關前月獨照行人過汴河
無題

曾從洞口送胡麻一隔山門卽海涯自是仙郎忘舊路桃花流水不曾差
代妓送別

春情又爲別離牽舊恨新愁總自憐莫問歸期何日是安排腸斷綠窓前
贈王中軍

將軍意氣似平原三十年間客滿門爲道報恩須國士得來只是一壺醪
爲文西寄情

教成歌舞也風流曾學西家得似不今日眉��非是病爲郎鎖下一春愁
崔季鶯

怕教雪落歌應懶愁作雲飛舞不輕偷向東風啼柳畔一行花雨一聲鶯
爲宋洛雲寄林大舍

春江拾翠日徘徊留枕曾憐子建才不信多情歸賦後更無一夢此中來
鄭布衣琰

琰字幹卿閬縣人豪于布衣任俠遨遊閩中詞館諸公爭延致之高文典

而多出其手每閉關不聽出翰卿笑曰吾具有策君安能作三日新婦也
偃悶死遂跳之金陵新安富人吳生延居率令以上客禮之翰卿醉輒唾
罵主人呼爲錢虜吳與其兄構訟疑翰卿泄其陰事文致捕置京兆獄竟
庾死獄中徐與公榕陰詩話云鄭翰卿工七言少遊是疆集中多悲壯語
如馬邑吹笳烽子急雁門獵火健兒啼霜色欲將關樹折河聲如帶戍樓
碎馬行空磧聞斯斷人度殘冰過語喧沙磧到天婦馬小朔雲連海處鴻
低劍戟已消兵後六個巖猶泣戰時瘡回中曉窗炊霜飯積裏官衣踏月
行噴上陰雲連塞黑關前落日帶沙黃亂山獨馬嘶殘月遠磧離鴻叫曙
霜初騎分營來漢塚蕃河流水到秦川等句令人讀之有封狼居胥之志
若陳幼孺之鵬飛塞日翻胡影馬飲流泉咽漢聲馬季犛之馬勒桃花街
荀荀笳吹蘆葉度榆林謝在杭之風吹紫塞草欲盡馬蹴黃河水未殘亦
不減鄭生高韻

半生行

余垂髫與徐與公交莫逆萬曆庚寅浪遊南北音問杳然乙未蜡月遇
與公于武林已而復別別後十年乙巳秋與公有新都之遊訪余豐溪

萬壽宮集卷一
草堂杯酒道故悲喜交集因以余年來踪跡寫爲長歌以當詩款謝少
連題爲半生行

刺促復刺促哀歌不成曲試聽征人歌一聲切切鳥鳥淚相續吾祖卜地
三山麓世業繁華稱鼎族七葉盛文儒八代承章服仙郎群從十三魁司
寇諸昆十一牧青蚨無貴潤高門白蠶有編堆破屋我家鳳池東復東我
生白晝炯雙瞳九歲氣食牛十歲工雕蟲十二容華推宋玉十三詞藻學
楊雄春早姣童初稟雁秋來快壻已乘龍自憐妾髮初覆額自信君才非
落魄乳燕雙栖合衾釵文鴛並著交歡局定情爲雨更爲雲燕婉春朝復
秋夕百和香薰翡翠衾九微燈照芙蓉席桃葉須臾野蘭黃草根倏忽哀
螢碧哀螢野蘭兩悠悠玉粉香腮不少留珠箔塵迷羞拂鏡雕梁泥落恨
登樓石榴凝暗魂何處金錯刀斑淚不收鳥影打霜啼滑滑鬼燈吹雨夜
啾啾管停孤鳳難成調絃到離聲只聽愁孤鳳離鶯顏色故春鴻社燕流
年度一旦飄零委逝波五年骨肉同朝露仰首悲旻天俛首看墟墓雨餘
寒蝶泣虛堂日暮飢腸滿庭樹吊影推心肝風雲乖所遇洛陽季子更無
錐蜀道長卿空有賦結得韋郎再世緣續將秦女已離絃雙雌繡出茱萸

枕因壯迎來號珀羈涼月更壽巫峽夢落花重泛武陵船青雲無媒日復
日白髮有根年復年丈夫壯志已如許不顧低頭守兒女長歌問天天爲
愁出門拔劍驅車去遊子空悲壘上駒嘶人寧效倉中鼠不草治安趨帝
閤便斬樓蘭獻當宁匹馬辭家客路塵馬頭明月幾回新昭王臺下猶懷
古督亢亭前早問津年比士龍初入洛才如五羖便歸秦雲邊鵲聯青
瑣日下鷁鸞舞紫宸詞客盡叨三館祿酒人爭買九衢春泥塗不復知鴻
寶草莽無緣問小臣青草霸圖寧買骨白衣祖道未歸輶盧龍成老干牛
南涿鹿天空驚騎屯欃櫓馬周終不達干時曲逆莫辭貧爲遷死路如隨
馬燕掠官塙不見人蟋蟀啼來惟閉戶蘼蕪多處正沾巾蟋蟀蘼蕪生又
滅感遇傷時兼恨別淒淒歲暮望眼枯綿綿遠道中腸結老奴夜號衣裳
單瘦馬書眠劍粟竭炙硯不融指如墮暖罩無權面欲裂繡虎含毫業似
慘神龍出匣終非鐵魚困帝澤日是珠璣服鹽車汗成血以茲感嘆歲華
更又逐征夫更北征天劃故關無雁度雲連衰草斷人行元戎盡錫飛魚
服點虜皆堅市馬盟虎帳曉愁沙磧雨龍荒莽慘濁河聲黃花較獵安西
亭玄菟高峰海北營雪捲牙旗朝草檄月高鈴閣夜談兵射雕原上雲初

淨散馬回中草漸平登鼓椎牛威遠堡登陴樂士受降城觸膝天黑呼群
泣烽火秋深逐隊明從古請纓非浪子山來譚劍屬書生書生任俠空馳
逐蕩子從軍非碌碌前年靈武全軍覆昨日遼陽新鬼哭惟聞蜩陸發邊
饑不見虎頭飛食肉腰間寶刀悔未試懷裏陰符懶將讀黑貂盡敝臥牛
衣白龍不遇空魚服幾年滄海變桑田何日陽春回黍谷萬事升沉笑棘
侯一朝得失同蕉鹿著書無計學虞卿去國有袍憐范叔虞卿雙壁委蒿
萊范叔一寒如此哉歲歲白扉題鳳字年年華髮困龍堆笛中楊柳愁難
寫曲裏關山恨未裁漠漠秋烟生筆冢萋萋春草上琴臺冰因腹冷終難
解木爲心堅更不灰萬里橋邊題柱過一丸關外棄橋回蕭蕭龍樹蕭蕭
淚續續胡笳續續悲白眼風塵羞故土汴水漳河復東綠鄉下荒臺鳥雀
悲靈光廢殿牛羊聚龜蒙山勢到平原馬頰河聲通夏竦逆旅誰憐似楚
囚騷人卻笑爲秦虜長淮東下且停橈五兩并江廿四橋瓜步北來猶有
渡廣陵南去不通潮石頭波浪連三楚京口帆檣間六朝柳絲儘將牽別
思榆錢都把買官腰風風雨雨千重恨燕燕鶯鶯百倍嬌鶯鶯若有情燕
燕還多態過馬或道鞭逢郎應解佩採蓮若惜蓮子心摘菱莫笑菱花背

詞賦客如雲風流花作隊買棹發吳淞對酒論興廢蘇小門前粉黛銷西
施苑內琉璃碎垂楊十里萬條斜珠勒羅衣問俠邪夜月家家寒食酒春
風處處斷腸花王孫客路愁芳草遊女深園正破瓜眉翠新粧月顏朱飲
襯霞恒口半遮歌宛轉玉纖無力送琵琶琵琶聲已變宛轉歌初轉萬古
鍾情不似崔一夜離魂應比倩願作蠶上絲纏棉同一線願作鸞邊鏡圓
圓同一面鏡將比儂貌持來歲歲光線將比郎意牽來縷縷長羞看倚門
笑焚却舞衣裳君才學鸚鵡妾願學鴛鴦懷書去國無人識賣劍移家非
故鄉郭嶺千重高似掌豐溪百轉曲如腸親知隔絕疑天遠桂玉艱難恐
歲荒鄒出鳳巢皆有彩駒名驥子定稱良甫因潦倒留斐府白也漂零困
夜郎世路亂山多坎壈人情衰草易淒涼已操涸水資蛟螭亦有卑栖侮
鳳凰寧不感恩終按劍豈無知己但空囊嚴霜撼撼啼征雁小雨瀟瀟泣
夜螢此時思婦腸堪斷此際空聞坐愁時若遇青鏡風光好妾處紅顏歲
華晏尺素寥寥雙鯉遲明河耿耿三星爛海上雲生婦夢懸溪南草長春
思亂一年一度燕都歸飛去飛來雲不散金鴨灰寒寶篆銷玉魚帳冷銀
屏暗題幾何心春去留杜鵑無主花羞看人知妾有夫棄妾不如無秋荷

捧朝露難將初作明月珠秋林落晚霞難將更作紅羅襦潮水尚遙猶有
信月圓雖好只須更卷施到死心難折楊柳逢春眼不枯楊柳結深愁卷
施發心愴鄉國路悠悠鄉關雲莽莽鄉夢徧驚欹枕時鄉心怕到高樓上
竭來鄉語暫爲歡搖落鄉園花不賞故里偏思鄉信歸故山只送鄉人往
到門有客問沈淪同調相憐意倍親似我盤跚非故步逢人巧笑效初粧
巴渝九折終歸海越絕千峰盡向閩百感故人燈下淚十年羈旅夢中身
殘冬對酒還今夕除夜題詩又此辰憶昔題詩兼對酒舊事談來堪白首
一半交知埋草根幾家池館餘衰柳碌碌生涯且莫悲悠悠書劍今何有
斷鴻天遠消息稀少婦春寒別離久郎今莫怨山下山妻處願爲口中口
閉門小隱是鷄栖天馬峯前飲水西菰米葉乾秋水盡木棉花落夕陽低
河流灣到三三盡雲雨峯迷六六齊何處關山何處月一行征雁一行啼
歸來今採芭家人兮色喜一園新竹鳳池邊數畝荒田虎丘趾歸來分採
薇野人兮息机猿峯畔三椽屋螺女江頭一釣磯天高海闊路行難一
事無成淚不乾爲語妻孥休歎息筆花猶在劍光寒

春日卽事

行樂由田柳葉齊女郎何處唱銅鞮春衣隊遇頻嘶馬社酒人歸盡聞雞
二月杏花三日雨千山杜宇一聲啼年華漸逐東風去腸斷紅橋小苑西
再送陸四

別酒重開上驛樓驪歌聲裏看吳鉤種魚有術龍君老相馬無經驥子羞
疎雨過城槐葉暗夕陽連水木奴秋還家記與猿公語不見書生萬戶侯
哭李大將軍

十萬旌旗染血丹招魂夜夜哭桑乾殘兵來拾中郎印野鳥飛登上將壇
金獸鎖門嚴鼓角石麟窺塚葬衣冠至今唵咎騎胡馬猶是將軍舊戰鞍
汪懋忠七十從軍之燕

千金紫馬百金裝白首窮邊烈士腸一雁正來君又去二毛雖短劒還長
燕臺馬死崩寒日易水魂歸哭夕陽筋力尚堪三百戰牙旗秋捲塞雲黃
贈隴西達將軍

十載屯田塞下聞虬鬚燕頤氣如雲帳留猛士皆降虜劒是擬龍亦報君
銀夏至今勞使者玉門終古老將軍高秋較獵歸發照衰草黃榆散馬群
寄范伯修兵憲

吹角營門擁大旗，白猿黃石佐兵機。無支月冷啼金鼓，鵲巢泉清洗鐵衣。
戰馬到秋分陣牧，獵人穿燒射生歸。鄴都尚作雲中守，衰草連天無雁飛。
春日唐長卿兄弟邀同喻宣仲何主臣東山觀伎并爲宣仲贈別
少年何地不淹留，載酒斜陽陌上遊。鳥向尊前窺豈蕊，客從花外聽箏篴。
離顏對酒人寧醉，別恨關春柳亦愁。明日亂山江上路，鷓鴣聲裏繫孤舟。
輓鄭都護

中興功業更誰論，萬里摧殘百戰身。龍虎舊衣分愛卒，麒麟新塚哭佳人。
金羈盡蝕燕支血，寶劍從吹碣磧塵。塞外長星沉碧海，五原西望淚沾巾。
贈顧小侯

甲第連雲瞰帝城，画簾繡箔照朱甍。新開馳道千金埒，舊領團營七戰兵。
方士房中能虎鼎，侍兒花底鳳凰笙。燕山二月春初好，玉勒朝朝待曉鶯。
寄人

分袂當年待曉雞，曲欄橋外錦堂西。兒家蓮子房房苦，蟬抱楊枝樹樹啼。
深竹夢歸神女壻，暮花傷別阮郎妻。至今腸斷春風候，豈蕊初生槿葉齊。
寄黃山隱者

傳聞軒帝有仙蹤古洞無扉對亂松
牛諫石床供蟋蟀細裁雪葉補芙蓉
分將月夜三千里買斷秋烟七十峰
尚憶我留瀟口寺隔林疎雨聽殘鐘

贈林純卿

十載看花入醉鄉燕姬招隱白雲莊
龍官卜宅思栽柳垂老將身學賣漿
夜月邀僧同鶴首春潮供客與魚腸
孤山萬樹梅花發剪燭裁詩夜未央

春日西湖卽事

蘇小門前柳帶烟煖沙晴日水如天
春廡供作宜春酒榆莢分爲買笑錢
垂柳綠遮騎馬路落花紅襯釣魚船
杜鵬不解遊人意催盡韶光又一年

奉和張司諫左掖夜直

漢殿秋生禁柳黃露融仙掌色蒼蒼
銅龍水咽雞人漏金象烟銷鳥篆香
雲度鐘聲浮苑樹月臨花影上官墻
夜間待詔傳天語法駕明朝幸建章

春曉望闕

魚藻門前曉角殘月斜鵲露華溥
金輿欲動宣官使銀鎖初開擁侍官
遶左羽書東海沸秦京烽火院雲素
漢庭何日無封事不許書生策治安

寄薛素

野草城邊汕壁車海棠開盡燕飛初愁深司馬舟中淚夢逐蕭娘錦上書
三水雲陰桃葉渡四橋春暗浣花居傷心南陌垂楊月夜夜香塵滿客裾
黃山道中

微霜風物色淒淒路入黃山是五谿帝子不歸汾水上行人愁過穆陵西
荒原曉露銅駝泣古驛秋風鉄馬嘶獨客傷神家萬里斜陽征雁楚天低
逢徐典公詩舊

天涯離別九迴腸今日逢君復異鄉路水開猿雙涕夜黑山歸馬五年霜
兵戈消息何須問弟妹漂零且自傷此會匆匆又分手暮雲衰草更淒涼

江頭別

江風今夜寒郎且江邊佳拂曉上樓看郎船不知處

宮詞

莫將離別恨猶深一歲相逢一夜心空宮尚有如霜髮不識君王直到今
何俠士壁

壁字玉長福清人魁岸類河朔壯士跣跣放跡使酒縱博聚里黨輕俠少
年陰爲部署植竿關壯繆祠下有事一呼而集上官聞而捕之踰城夜走

亡臣清流王若家盡讀其藏書依其鄉人林古度曹能始千金陵携能始
苦游新安無所遇聞邑令張海楚人好奇士爲詩四章投縣以憾之海大
驚延爲上客贈以千金海聞府于登璧往從之海將疏薦以布衣拜大將
介濟罷鎮而止璧因此諳曉遼事談夷漢情形如指掌如有用我黑山白
水可剋日而定也璧求用甚亟酒間忤臂抵掌人皆目笑之殊不自得濟
死入楚哭之遂以病死濟門人胡汝淳推荆州員和事之沙市爲石表
曰閻俠士何壁墓或曰玉長隔終念佛坐化藏塔在袁石公蘭若之右林
陵艾容入荆有詩吊之

西湖尋曹如能

垂楊漠漠行田田何處春風十四絃放鶴僧歸天竺雨聽鶯人過六橋烟
詩尋羅浮誰遊寺酒載桃花第幾船遊子天涯魂易斷非關春樹有啼陽

逢陳當時

湖海年年氣尚橫相逢一笑蓋初領悔因任俠輕妻子恨不從軍結弟兄
客裏論文難得價市中說劍長知名燈前喜共猿公語聞道燈陽正請兵

金陵寄沈千秋

挾策千時任轉蓬壯夫曾慨學雕蟲荒年有客愁炊桂薄俗何人惜聚桐
士到山山誰不賤術惟游世最難工長安官道原如髮只有任生歎路窮
鄭翰卿自新安移家金陵詩以訊之

南北飄零逐燕飛營巢今復傍烏衣家移白下原爲客夢到黃山不是歸
廿載看花憐並蒂半生種柳嘆成圍江天處處皆新水好向垂綸燕子磯
秋日過能始民部署中

爲郎無一事客到但行吟落葉滿官舍此中秋更深庭虛開明窗門冷集
寒禽一自黃花對轉懷頭上簪

廣陵送王太古還白下
我有秦淮夢雖還不是家送君隋苑上閣懷柳條斜歸客趁新燕遊人歎
落花傷春兼惜別況復在天涯

早春寄東謝寓中

古寺門前新柳垂思君先訂聽黃鸝倡樓雪滿催歌扇僧舍春寒憶酒旗
月到秦淮皆似面山如鍾阜始爲眉東風九十菲芳急不是看花莫杖藜
趙梁人岫

峭字子剛一字屏國整屋人萬戶已而領鄉薦不第家有傲山樓藏書萬
卷所居近周秦漢唐故都古金石名書多在焉西安領官碑林爲最時跨
一簾挂偏提捐工携諸豎以從每遇片石隻字坐臥其下親爲拭洗椎捐
裝潢復爲疏記其後援據考證畧仿歐陽公趙明誠洪丞相三家名曰石
畧編華自謂窮三十年之力多都玄敬楊用修所未見也遊終南九嵎城
南作訪古遊記三篇三輔五陵長楊下杜遺文故事屋廡如指掌萬曆戊
午去今才三十年關中再經兵燹趙氏金石古文皆蕩爲劫灰而三記宛
然散篋中每爲喟然太息華州有郭宗昌胤伯汲古多藏與子面相上下
其爲人尤奇

園居

不是鸞龍侶偏宜鹿豕群自題招隱字誰續絕交文盤壁來山雨編籬帶
楚雲還思接輿子遺世不如君

茂陵

黃山歷盡見孤城城上樓高眼倍明芳樹寢園今北望暮雲官閣舊西京
芙蓉盡冷仙翁盡首春閒宛馬聲回首長楊誇獵地何人得似子雲名

己亥初夏

漢室誰高第家數趙張蘭絲天下計兔窟百年藏春草生金谷秋風冷
未央劫來憂國意清淚不成行

莊河村主人

落日牛羊嶺上村誰開三逕召王孫山容似黛斜侵檻木字如巴曲到門
野客行藏無掛讓田家賓主有盤樽欲將谷口烟霞色並向桃源洞裏論
崔秀才子忠

子忠字道母萊陽人僑居都門形容清古言辭簡質望之不似今人画亦
法古規摹顧陸間吳遺蹟開范以下不復措手居京師闕闕中蓬蒿翳然
凝塵滿席時花羞魚杳然遺世興至則解衣盤礴一妻二女皆能點染設
色相與摩娑指示共相娛說間出以詒知已若庸夫俗子用金帛相購請
雖窮餓掉頭弗顧也少爲書生師事衆人宋繼登宋諸子及群從皆與同
學而致及應亨尤厚善應亨署銓曹屬一選人以千金爲崔君壽道母笑
曰若念我貧不山橐中裝詒我而使我居閒受選人金同學少年尚不識
崔子忠何等面目耶應亨媿謝而已致居諫垣數求其画不予誘而致之

邵合謂曰更決口不聽出則子之益魚盆樹且立稿矣子將若何道母不
得已乃與画画成別去坐隣舍使僮徃取其画曰有樹石簡畧處須增潤
數筆致欣然與之立碎之而去其孤峭絕俗皆此類也崇禎戊寅余龜繁
都城道母因漳浦劉履丁見余履丁寓方閣老園池去余寓一牛鳴地有
疎桐古木前臨維堞道母喜其蕭閒履丁去遂徙居焉晨夕過從者凡兩
月余故靖道母及華州郭宗昌送余報國寺古松下余笑謂詞館諸公公
等多玉筍門生亦有如能事兩生者乎郭亦蔡中博雅奇士也丙戌入燕
訪問道母所在或曰道母在仁或曰亡矣已而知道母亂後依友人以居
家人尚數口友人力不能供而未忍言也道母微知之固辭而去竟窮餓
以死是歲郭亦辟閩賊之招入華山今尚狂

西山滴水巖二首

入不知高下山春水似秋星河平地看雞犬半天游洞腹藏元氣山根養
湫流白雲朝出宿知是繞神州
石似當空立巖疑急就成雨花山廟濕雷樹羽官晴絕壁洪荒在陰晦
朔井古流龍夜語徐安應泉聲

郭布衣天中

天中字聖僕先世莆田人其祖以避寇徙秣陵母誕聖僕時夢一道人雙
屨曳杖從山嶺下直入其室其生也頂髮截分以徵異焉聖僕以五日生
早失父性至孝孤情絕照過出流俗時高古法書名画不事生產專精篆
隸之學窮屋斷碑搜訪無遺園戶其投綬食都廢晚年隸書益進師法秦
漢最爲逼古母沒權厝於城東郊僦居其側風雨蕭然終不肯去人欲爲
卜居以僻航山水爲辭竟不欲明言廬墓以市名也故人秦和楊嘉祚守
維揚延致聖僕贈遺數千金斥以買歌姬數人購書画古物并散給諸貧
交緣手而盡嘉祚歎曰此吾所以友聖僕也諸姬中有朱玉耶工山水師
董北苑李柁那工水仙直逼趙子固疏牕裴几葉羹疏食談諧既暢出二
姬清歌以娛客或邀高人程孟陽輩流覽點染指授筆法鍾伯敬贈詩曰
姬妾道人侶敦養貧士家亦曾錄也聖僕卒無子墓在雨花臺之旁聖僕
平生無所造請常伯孟陽訪余虞山信宿而去至今想其面目清冷古色
猶足灼人也

石鼓詩

鼓非石實者星文非鼓勒者銘赫外書刪外經經雅頌書典刑隸秦漢經
映庭篆龍鳥監波青曰謝梓春微停欣辭金波畫零我拜手神之聽